


# MABATI KA LEBATING

 . . . fa mosong wo. Ke be ke nagana ka nako ya ka go tleng ka Flagstaff le—le lekga la mathomo. Go bile ka ga, ke a thanka, e ka ba mengwaga ye masometharo seswai ya go feta, mohlomongwe ye masomenne. Ke be ke bolela ka ga go phara thaba. Go be go se na leswele, eupša Model-T ya ka ye nnyane go thata go phara thaba. E be e kgona go ya dimaele tše masometharo ka iri, eupša ke lesometlhano ka tsela *ye* le lesometlhano ka tsela *ye*, le a tseba, godimo ga ditsela tše dingwe tše re bilego le tšona fa. Gomme ka kgonthe go be go le . . .

<sup>2</sup> [Ngwanešu mo sefaleng o re, “Gobaneng o sa re fe sereto sela sa Ford.”—Mor.] Ngwanešu Carl! [“Hle.”] Aowa. O mpotša ka sereto se sennyane ke bilego le sona nako ye nngwe, sa Ford ya ka. Ga se lefelo la maleba go se fa, Ngwanešu Carl.

<sup>3</sup> Kafao, re leboga kudu. Gomme ke bile le mabopaki a mantši a mabose mosong wo, go kweng go tšwa go baena ba, ke kopane le ba bangwe ba banna.

<sup>4</sup> Gomme go no bile le modiredi yoo a nno go bolela fa, ngwanešu yo monnyane wa Mospanish yoo a filego wa gagwe . . . nako ya mošemane yo monnyane go opela. A seo se be se sa makatše go lentšu la wa bogolo bja mengwaga ye tshela? [Phuthego e re, “Amen.”—Mor.] Nna, lentšwana le lennyane le le bosebose nkilego ka le kwa, go mošemane yo monnyane ka mokgwa wola.

<sup>5</sup> Bjale, ngwanešu yo, baena ba e lebetše, eupša o swere kopano fa ka go toropokgolo ya lena. Ke nagana ke tlase kua kerekeng ya modimo, goba Assemblies of God? [Ngwanešu o re, “Assemblies.”] Assemblies of God, tlase kua go Assemblies of God. Gomme ke ne kgonthe ba tla thakgalela go ba gona ga lena—ga lena. Kopano e tšea nako e kae, ngwanešu? [“Go kgabola Lamorena.”] Go kgabola Lamorena. [“Lamorena bošego.”] Go kgabola Lamorena bošego. [“Re na le mminotšhušumetšo bošegong bjo.”] Mohlomphegi? [“Re na le mminotšhušumetšo bošegong bjo.”] Mminotšhušumetšo bošegong bjo. Bjale bohle le menngwe ka botho go tla go kopano ye. [“Ka seripagare sa bošupa.”] Seripagare sa bošupa, bošegong bjo. Gomme kereke e hwetšagala kae, ngwanešu? [“113 West Clay.”] O ka no re botša moo e lego? [“113 West Clay.”] 113 Mokgotheng wa West Clay, thwi fa ka go toropokgolo ya Flagstaff. Gomme—gomme ke ne kgonthe le tla . . .

<sup>6</sup> A mošemane yo monnyane o ne wena? [Ngwanešu o re, “Aowa.”—Mor.] Aowa, papagwe o tla opela. O a opela, a o a dira? Gabotse, yeo e kaone, ke no hwetša seo feela gabotse, go nako e tee. Gabotse, Seo ga se gantši le bona seo; eupša ke, ka mehla, ge

go na le talente e tee ka lapeng, e tšea go tloga—go tloga yo ka moka ga lona, ke a nagana. Kafao ba na le . . . [“Yohle e thomile ka go ikona le thapelo, Ngwanešu Branham.”] Go ikona le go rapela, bjale yeo ke—yeo ke ye botse ka kgonthe.

<sup>7</sup> Bjale, le a tseba, ge Amerika, yohle mmogo, malapa ohle a rena a Amerika a be a le ka mokgwa woo, gabotse, ba tla no lebogiša maphodisa ohle mošomo. Mileniamo o be o tla kगतlampana, a o ka se? Re tla ba thwi ka go legoro la pele nako yeo. Yeo ke nnete. Lehu lohle le tla dikelela kgole, malwetši ohle, manyami, maswabi ohle, gomme re tla ba le Kriste.

<sup>8</sup> Kafao, re thabile, gomme ke kwa mabopaki a makaone a ohle! Gomme ke bile le monyetla wa go kopana le Ngwanešu Earl, go lekga la ka la mathomo. Gomme—gomme mantšiboa a go feta ke be ke bolela le mosadi wa gagwe, gomme—gomme o biditšwe ntle le go fodišwa, makga a mantši, ka go dikopano; o rile, mo kopanong ya go feta o be a le sefaleng.

<sup>9</sup> Kafao, go re dira gannyane, mohuta wa tshegišo ye nnyane. Ga se ke elelwe Ngwanešu Earl, le ge ke šikintše seatla sa gagwe felotsoko. Gomme—gomme ke be ke dutše mo lefastereng, bošegong bja go feta, ke mo lebeletše go tla godimo. Gomme monna yo mogolo yo motelele o tla godimo, o be a apere magwanca a maso. Ke rile, “Šo o etla.” Gomme morago ge . . . Billy, morwa wa ka, o rile, “Oo, aowa,” o rile, “yoo ga se Ngwanešu Earl. Ke yo moswa kudu go feta moisa yola.” Gomme kafao morago ke ile ka swanela go kopana le Kgaetšedi Earl fa mantšiboa a go feta, gomme ke bile le monyetla wa go beng ka go legae la bona la go ratega fa ka go toropokgolo.

<sup>10</sup> Le ke le lefelo le lebose. Ka mehla ke nyaka go le bitša *flagapale* sebakeng sa Flagstaff, godimodimo ka godimo ga thaba fa, le a bona. Gomme, ke a le botša, ge go na le e ka ba ofe fa go tšwa Texas, bjale le a kabatiša. Ke tlogile Tucson, maabane, e ka ba ka masomešupa pedi goba masomešupa tlhano, gogongwe go bapa fale, gomme godimo fa mosong wo ke apere obarolo. Le a bona, se ba nago le sona ka Texas, re naso ka Arizona, a ga re? Yeo ke nnete. Re thwi fa.

<sup>11</sup> Nako ye ya kopanelo! Motia Ngaka Bosworth, mogwera wa ka, ba bantši ba lena le ka no be le tsebile Ngwanešu Bosworth. O be a le yo mongwe wa mokgalabje yo mokgwethwakgethwa. Gomme o rile go nna nako ye nngwe, o rile, “Ngwanešu Branham, o tseba se *kopanelo* e lego?”

Ke rile, “Ke nagana bjalo, Ngwanešu Bosworth.”

<sup>12</sup> O rile, “Ke baisesa ba babedi ka sekepeng se tee, kafao ba swanetše go abelana gannyane nthatana.”

<sup>13</sup> Kafao seo ke se kopanelo e lego, re a tšea le go fa, go abelana le seng sa rena; le Ngwanešu Carl Williams, bohle ka moka, Ngwanešu Outlaw. Oo, yo mongwe wa batho ba mathomo ka Arizona bao ba kilego ba thekga ye nngwe ya dikopano tša

ka, e bile Ngwanešu Jimmy Outlaw, gomme re bile bagwera ba sainong ge e sa le nako yela. Gomme re le thabetše kudu bohle ba lena, bakeng sa badiredi le baena bao re kopanago tikologong fa. Ga ke ne nako go šikinya diatla le yo mongwe le yo mongwe, bjalo ka ge ke rata go, eupša ke kopanelo moo re hlakanago.

<sup>14</sup> Go no nkgopotša ka—ka khonferense ya Phoenix. Ke bile le monyetla, ge e sa le makala la mathomo a thoma, go—go beakanya makala le go bolela le bona. Gomme ke mokgatlo o nnoši ke lego wa ona, gomme ga se mokgatlo. E no ba sephedi se šoma magareng ga batho.

<sup>15</sup> Gomme ge ba bangwe ba lena banna fa mosong wo, bao—bao ba sego ba kopanelo ye, ye ya Banna ba Kgwebo ba Bakriste, Ebangedi ya go Tlala, a nke. . . ge le dumela gomme le tla tšea lentšu la ka, ke se sengwe sa batho ba bakaonekaone. Gomme—gomme go badiredi banešu, ga se kgahlanong le kereke ya gago, ke bakeng sa kereke ya gago. Le a bona, ke tsela ya bona ya go bea ka go ke—ke kereke.

<sup>16</sup> Ke no direga go lebelela tikologong go mohumagadi yo wa go ratega fa yoo a sa tšwago go opela dinako di se kae tša go feta. Ke kwele maiteko a mantši a yona, eupša mohumagadi yola o bile le lentšu go kgona go e swara gabotse, le a tseba, ka ntle le go e tswinya, bjalo. Ke ratile yeo kudu bjalo, mohumagadi, e bile kudu, kaone kudu. Go thwe ke mosadi wa modiredi mo. Gomme, ngwanešu, o swanetše go ba le yena a go opelele go robala bošego bjo bongwe le bjo bongwe, kafao seo se tla ba kaone kudu, kaone kudu. Go bile go opela go go kaone kudu. Ke o thakgaletše.

<sup>17</sup> Gomme, mosong wo, go mohuta wa go nkgopotša ka ga kanegelo ye nnyane—nnyane. Gore, ke—ke rata go tsoma le go thea dihlapu, gomme ao ke le lengwe la mabaka ke lego fa ka Arizona, kafao, ke go ya go tsoma le go thea dihlapu. Gomme ke a go rata. Gomme kafao ke be ke theile dihlapu nako ye nngwe ka New Hampshire.

<sup>18</sup> Gomme ke a thanka bontši bja badirišani ka fa bao ba ratago go thea dihlapu, bobedi ka go botona le botshadi, le bona, le a bona. Bohle re a go rata.

<sup>19</sup> Kafao ke bile le tente ye nnyane ke e rwaletšego godimodimo, ka godimo moo, le tseba baisa, mohuta wa go imela gannyane goba se sengwe, ba ka se sepelele godimo fale. Gomme go bile le tše dintši tše kaone, tša tšela, hlapileraga, le tsotho, moselasekwere, molalaseripa. Oo, di no tlala, tšona dinokana tše dinnyane di theogelago go tšwa bogodimo bja dithaba ka New Hampshire. Gomme hlapi ye nnyane, mohlomongwe tše lesomenne, botelele bja diintšhi tše lesometshela, feela bontši bja tšona! Gomme ke tla no. . . Ke tla ya godimo fale le go di swara, feela bakeng sa papadi ya go di swara, ka di lokolla. Ge ke bolaile e tee, gona ke—ke ja yona yeo, le a bona, ke mo tliša ka gare.

20 Kafao ke bile le bile le mohlare wa kgale wa moose o mela, gomme—gomme nako ye nngwe le ye nngwe ke tla fofiša lethale la ka . . . Ke bile le Royal Coachman ye nnyane. Ke tla fofiša morago ka fale ka yona, ke tla e fetola go dikologa mokgobo wa mohlare wa moose. Gomme ke naganne, “Gabotse, ke ya go tšea selepe le go ya godimo fale, mosong wo, le—le go rema mohlare wola wa moose, gore ke se sware lethale la ka go ona.” Oo, ke lebeletše morago ka tlase ga le lennyane la kgale . . . letamo la pifa, gomme di be di no robala ka fale, di nno letela Coachman yola go tla go tšona. Bjale, bošego bjohle ka moka . . . Ke be ke fela ke re, “ke na le moriri wa ka,” eupša ga ke na moriri wa go lekanela go tšona go tsena ka gare bjale. Kafao ke bile . . . Ke nno . . . di no ka fao di—ka fao di tla di swarago. Gomme kafao ke fihlile godimo kua, mosong woo, ka tšea selepe se sennyane sa kgale, ka rema mohlare wo wa moose. Gomme ke bile le tše tharo goba tše nne, ke be ke di lokišetša bakeng sa difihlolo, le go boa morago. Gomme ga ke moapei yo mokaone kudu. Gomme ka fao ke boditše mosadi wa ka ga ke kgone go bediša meetse ntle le go e tshuma, kafao woo le a tseba o tla ba gabotse mošomo wo mobe wa go apea.

21 Kafao, mo tseleng ya ka go bowa, go bile le mme bera wa kgale le diberana tše pedi, gomme ba be ba tsene ka tenteng ya ka ye nnyane. Gomme le bolela ka ga go hlakahlakanya se sengwe, ga le tsebe ka fao dilo di ka go hlakahlakanywa go fihla le dumelela bera e tsena ka tenteng. Yena, ga se se ba se senyago . . . se ba se jago, ke ra, ke se ba se senyago. Ke bile le setofo se sennyane, setofo se sennyane se sa modišadinku ka fale, gomme ba be ba dula godimo ga setofo se sennyane le go no tabogela godimo le fase, go kwa phaephe e tlerema, le go no se rathaganya ka diripana, le a tseba. Gomme ge ke etla godimo, ke be ke na le raborolo ya kgale ya go rusa ya masomepedipedi e letše ka fale, eupša ke be ke swere selepe se ka seatleng sa ka.

22 Gomme, le a tseba, ge ke etla godimo, mme wa kgale o tšhabetše ka thoko, gomme a goeletša go diberana tša gagwe. Gomme berana ye nngwe e latetše mmogo, gabotse; eupša ye nngwe e dutše, moisa yo monnyane nthatana. Ka Mei, le a tseba, di no tšwela ntle. O bile le mokokotlo wa gagwe wohle o mphuraletše, ka mokgwa woo. Gomme ke naganne, “Na o dira eng?” Gabotse, morago o lebeletše godimo go nna. Gomme ke lebeletše mohlare, go no bona ka fao—ka fao o lego kgauswi, gobane ba ka go ngapa, le a tseba, ka ga bona ba bannyane. Gomme, bona, o ka se kgone go bolela le bona go tšwa go yona, le a bona. Kafao ke bogetše mme wa kgale nakwana ye nnyane, le a tseba. O ile pele a goeletša, le go dira lešata, se sengwe boka nonyana. O be o swanetše go tseba se ye nngwe e kwagala boka. Kafao o ile pele a goeletša berana yela, gomme berana yela e be e sa tle.

23 Gabotse, ke naganne ka raborolo ya ka. Gomme ke naganne, “Aowa, ge nka kitimela ka fale le go tšea raborolo yela, ge

nka thunya mme wa kgale, ke tlogela ditšhiololo tše pedi ka sethokgweng,” gomme ga se ke nyake go ba le molato wa seo. Gomme, ntle le seo, yena a hlasela, masomepedipedi yela e tla ba mohuta wa bonnyane, le a tseba. Gomme dinako tše dingwe ga se e ragoge, o swanetše go e kokota makga a mararo goba a mane go e dira e ragoge. Kafao ke naganne, “Gabotse, ke tla no ya go mohlare wola fale, ge a ka kitimela godimo fa. Ke tla namela godimo ga mohlare fale, ka ikhweletša kotana ye nnyane le go no di hwiphinya go kgabola nko.” Nko ya tšona ke ye nanana kudu. Gomme di no tswinya, morago tša ya tlase, le a tseba, gomme di go tlogela o nnoši. Kafao ke naganne, “Ke tla namela ka go mohlare wola.”

<sup>24</sup> Eupša go rata go tseba ga moisa yola yo monnyane, oo, a dutše godimo ka mokgwa *wo*. Gomme ke naganne, “Na o dira eng?” Kafao ke ile pele ke thedimogela tikologong, ke mo šeditše, le a tseba, a eya kgole kudu gannyane, le go tla kgauswi le mohlare, gobane o ile pele le go goeletša berana yela. Kafao ke ile godimo kgojana gannyane, gomme le tseba se moisa yola yo monnyane a se dirilego?

<sup>25</sup> Bjale, ke rata diphaphatha, goba diphaphatha, ke a dumela le a di bitša, ntle fa. Tlase Borwa, re di bitša diphaphatha. Gomme ga ke kgone kudu go di direng, eupša ka kgonthe ke kgona go di ja. Gomme, le a tseba, ke be ke le Mobaptist. Ga ke rate go di fafatša; ka kgonthe ke rata go di kolobetša, ka kgonthe go bea kgotlaomone go tšona. Kafao ke bile le kotikoti ya kgotlaomone, e ka ba botelele *bjo*, e dutše fale, seripa sa kalone se sennyane sa pakete bakeng sa diphaphatha tša ka.

<sup>26</sup> Gomme moisa yola yo monnyane, le a tseba, bera e rata dimonamonane, go le bjalo. O bile le pakete yela ya kgotlaomone e butšwe. Gomme o be a dutše fale ka borofa bjola bjo bonnyane e ka ba bophara *bjoo*. Gomme o bile le yona godimo ka matsogong a gagwe, gomme o be a no bea leoto la gagwe le lennyane fase, gomme a latswa ka mokgwa *woo*, le a tseba. Yeo ke nnete. Gomme o be a latswa leleme lela le lennyane. Gomme ke thomile. . . Gomme ge nkabe ke bile le khamera, ke be ke ratile go bontšha seo mosong wo, go no e lebelela. Gomme o be a le fale, a beile leoto la gagwe le lennyane fase fale, gomme a latswa ka mokgwa *wola*. Gomme ke hlabeditše, “Tloga kgole le fao,” ka mokgwa *woo*. Gomme ga se a bea šedi ye e itšego go nna, gomme a no ya pele a latswa ka mokgwa *woo*. O goreletše pakete yela, le a bona.

<sup>27</sup> Gomme ke mo hlalabeditše ka mokgwa *woo*, o retologile go sokologa le go ntebelela ka mokgwa *woo*. O be a sa kgone go bula mahlo a gagwe, o be a no tlala ka kgotlaomone, le a tseba. Gohle godimo ga mahlo a gagwe, dimpana tša gagwe tše nnyane, di nno tlala ka kgotlaomone ka fao a kgonago go ba! Gomme nako yeo, ka morago ga nakwana, o thetheregetše ka mathoko, a kitimela go mmagwe. Ba mo išitše godimo fale ka dikgweng gomme ba

thoma go mo latswa. Ba be ba boifa go ya go pakete, eupša ba kgonne go mo latswa.

<sup>28</sup> Gomme ke rile, “Ge seo e se sekai sa ye botse, kopano ya kgale ya pentecostal, go no tlala bjalo ka tše botse, dilo tše bose, ba tšwetše ntle, gomme yo mongwe a latšwa go tloga go yona. Yeo ke kopano kopanelo ya kgonthe. Bjale re no tla ka mokgwa wo, go ba le diatla tša rena ka paketeng, yo mongwe le yo mongwe wa rena, phonkge go fihla sejabaneng, sa ditšhegofatšo tša Modimo. Gomme ke ne kgonthe le tla hwetša seo mo tsošeletšong yeo e bilego tlase kua go Assemblies of God, go yeng tlase fale bjale. Morena a le šegofatše.

<sup>29</sup> Ke rile ka Phoenix, letšatši le lengwe, wo monnyane. . . Ke a holofela ga se e kwagale go nyefola, ka ga motlae wo monnyane ka ga modiredi yoo a bego a eya go sefala mosong wo mongwe le wo mongwe, bakeng sa mengwaga ye masomepedi, ya go tia, o be a rera metsotso ye masomepedi, gomme nako yeo a be a feditše, gomme ka gona ga se ba kwešiše gobaneng go bile. Gomme kafao, mosong wo mongwe, o rerile e ka ba diiri tše nne. Gomme ma—ma matikone ba mmiditše morago, gomme—gomme ba re, “Modiša, ka kgonthe re a go rata.” Ba rile, “Re—re nagana melaetša ya gago e a makatša.” Gomme ba re, “Re a tseba, bjalo ka pota ya matikone, re go šeditše le go go beela nako, tlwa metsotso ye masomepedi Lamorena le lengwe le le lengwe mosong.” Gomme ba rile, “Mosong wo go bile diiri tše nne.” Ba rile, “Re no se kwešiše.”

<sup>30</sup> O rile, “Ke tla le botša, baena.” O rile, “Mosong wo mongwe le wo mongwe, ge ke etla go rera,” o rile, “ge le mpiletša sefaleng, ke tla obeletša le go bea e tee ya tše Diphološa Bophelo ka tlase ga leleme la ka. Gomme,” o rile, “ka metsotso ye masomepedi, ge Diphološa Bophelo seo se fedile,” o rile, “ke—ke—ke feditše,” o rile, “ke a tseba e nako go tlogela.” Gomme o rile, “Se e bilego phošo mosong wo, ke swere konopi.”

<sup>31</sup> Carl Williams, Jewel Rose, banešu ba kgonthe ba sainong le bagwera baka, ba ile toropongtlase letšatši le lengwe, gomme ba hwetša konopi e ka bago bogolo *bjoo* tikologong, go mpha, gomme eupša ga ka e swara mosong wo. Kafao, re thakgaletše go ba fa.

<sup>32</sup> Bjale, e ka ba yo mongwe ka fa o tseba Ngaka Lee Vayle? Ga ke nagane. . . mohlomongwe aowa. O be a le moreri wa Baptist, Ngaka ya Bokgethwa, gomme o na le digrata tša gagwe. O be a le morutiši wa sekolo se se phagamego, le go thoma, gomme ke yo kaone kudu, monna wa serutege. Gomme ditheipi tša ka tša *Mabaka A Dikereke Tše Šupago*, ke di rometše go yena, go di fa popopolelo. Ka gobane, tša ka tša kgale tša Kentucky “tia, gosebe, le tote, le go rwala, le go tšea,” tšeo ga di ye gabotse go batho ba ba balago dipuku, kafao o be a eya go e fa popopolelo bakeng sa ka. Gomme kagona, ka morago ga ge a feditše, o di rometše morago makga a mmalwa, bakeng sa ditatamente tše

dintši. Tšeo, puku e ga go gatišwa bjale, ka morago ga e ka ba mengwaga ye meraro goba ye mene.

<sup>33</sup> O mpotšišitše, o rile, “A nka kgona go ngwala puku, feela ditshwayo tša ka?”

Gomme ke rile, “Gabotse, go lokile, Ngwanešu Lee.” Gomme ke naganne. . .

<sup>34</sup> Kagona o rile, “Ke ya go go botša se sengwe.” O rile, “Ga e ye go rekišwa; e a fiwa.”

Ke rile, “Gabotse, gona, ke ne kgonthe seo se lokile.” Le a bona?

<sup>35</sup> Gomme kafao ba bile le bathekgi ka mašeleng, ba e ka bago batho ba lesome go e thekga ka mašeleng, goo go ba bitšago e ka ba ditolara tše makgolo a lesometlhanu, ke a nagana, ke a kwešiša, bakeng sa dikere tše lesome la tšona. Gomme kafao re—re di hweditše, yohle e tšwa kgatišong matsatši a mmalwa a go feta, gomme re no hwetša tše pedi goba tše tharo, maabane, gomme Billy o di tlišitše godimo. Gomme di—di filwe. Bjale, ga se nke ka e bala, ga ke tsebe se a se boletšego. Eupša ke. . . Se ke ka tumelo. Eupša ke ne kgonthe, ge le ka rata go ba le e tee, ge le ka no re ngwalela, e tla romelwa go lena, mahala. Le a bona? Gomme e bitšwa *Moprofeta Wa Ngwagakgolo Wa Masomepedi*.

<sup>36</sup> Gomme kagona ke lemogile ka go seswantšho fa, ka pele ga puku, bontši bja lena ba ne seswantšho se, ka nnete, gomme ba Se bone, ke moo Morongwa wa Morena a tšerwego ka Houston, Texas. Eupša ba ripile karolo ya Sona.

<sup>37</sup> Kagona ke bona fa ka morago. Gomme ke ba bakae fa ba kilego ba ba ke go ye nngwe ya dikopano tša ka, a re boneng? Ke a thanka ka kgonagalo bohle ba lena ba bile. Le nkwa ke re, makga a mantši, “Moriti wola o lekeletšego godimo ga yo mongwe.” Bjale, le a bona, ge o dira setatamente, gomme ga se therešo, Modimo a ka se be le selo go dira le sona. Le a tseba Modimo ga a amane le maaka, eupša O thekga fela se e lego therešo.

<sup>38</sup> Kafao ge A boditše Moshe, ge A kopane le yena morago fale ka lešokeng, ka go Pilara ya Mollo, morago ka go sethokgwa sela sa go tuka. Kagona ge A ntšhitše batho bale ntle, gomme bale ba ba tla latelago Moshe, bakeng sa leeto, morago O theogetše fase godimo ga Thaba ya Sinai, yona Pilara yela ya Mollo, le go hlatsetšwa gore se Moshe a se boletšego e be e le therešo.

<sup>39</sup> Bjale, Modimo o tla dira seo. Ka mehla o dira seo. Kafao Seetša se *fa*, ka nnete, re Se amanya le Modimo, ka gobane Se na le tlhago ya go swana le se sengwe le se sengwe seo A se dirilego ge A be a le mo lefaseng.

<sup>40</sup> Kagona go yeo, go re, “Motho yo fa, ke go bona o khupeditšwe go iša lehung, morithi wo moso.” Ke ba bakae, ba bakae ba lena ba kwelego seo se bolelwa! Gabotse, fa feela e se kgale

ka kopanong, go bile le yo mongwe a rata go tseba, o nyakile go bona ge e ba ba ka kgona go hwetša seswantšho sa seo, ge Se be e boletšwe. Kafao ba . . . Go bile le mohumagadi a dutše kgauswi, gomme monna yo o bile le khamera. Gomme ke rile, “Mohumagadi yo a dutšego fa, ke Mdi. *Semangmang*,” e ka ba eng e lego. Ke rile, “O khupeditšwe go iša lehung, eupša o na le kankere.” Gomme feela nako yeo o nepile seswantšho, gobane e be e le kgauswi. Gomme ele e be e le, le a bona, yela ya go rwalwa, kankere ye ntsho ya lehu e lekeletše godimo ga mosadi. Gomme nako yeo Moya wo Mokgethwa o boletše morago gape. . .

<sup>41</sup> Bjale, ge ba bea se ka pukung, ba bile le yona e ripilwe, kafao ba nno bea se ka fa feela go fihla ba dira kgatišo ye nngwe ya puku. Gomme ke ka lebaka leo le tla bona letlakala la go se gomarele ka fale. Ke nagana *The Voice Of Healing* e bile yona e gatišitšego puku.

<sup>42</sup> Gomme bjale ke mahala ka kgonthe. Gomme bathekgi ka mašeleng morago fa ka morago ga puku, ba ba beilego ditolara tše makgolo a lesometlhano ka go yona, feela go no ba le yona go ya go setšhaba, go dira setšhaba go di bala. Kafao, ke mahala, gomme ke puku ye bose ye nnyane. Gomme ga ke tsebe se diteng e lego, ga sa nke ka e bala; Tate o tseba seo.

<sup>43</sup> Eupša le a bona, E bile, go nna, Ke Therešo ka phethagalo. Seo ke se re se lebeletšego, ke Therešo. Jesu o rile, “Le tla tseba Therešo, Therešo e tla le lokolla.” Gomme Yena ke Therešo yeo. Ke Yena, Jesu, Morwa wa Modimo, ke Therešo ya Lentšu, ka gobane O bile Lentšu le dirilwe nama. “Mo mathomong go bile Lentšu, gomme Lentšu le be le le le Modimo, gomme Lentšu le be le le le Modimo. Gomme Lentšu le dirilwe nama le go dula le rena.” Kagona, seo se Mo dira Therešo, ka gobane Lentšu ke Therešo, gomme O be a le Therešo.

<sup>44</sup> Bjale ge re Mmona a bowa mo matsatšing a mafelelo, mosepelo wo mogolo wo wa Modimo, o sepela go kgabaganya ditšhaba tša lefase, o kgobela batho bakeng sa Monyalwa, seo ke Therešo.

<sup>45</sup> Mengwaga ya go feta, ba rile, “Go be go se ne selo se bjalo ka go bolela ka maleme. E be e le ditšiebadimo.” Modimo o e tshepišitše, gomme O e netefaditše go ba Therešo. Yeo ke nnete.

<sup>46</sup> Yo mongwe o rile, mosong wo, ke a dumela e bile kgaetšedi wa rena wa go hlomphega fale yo a šomago ka bana kudu bjalo ka ga kolobetšo ya bona, o rile, “O kgona go kwa yo mongwe a bolela ka maleme. Eupša, go kwa yo mongwe a opela ka maleme, le a bona, e bile selo se sebotse bjang.”

<sup>47</sup> Ke elelwa boitemogelo bja ka bja mathomo ke bego ke le ka Rediger Tabernacle ka Fort Wayne, Indiana. Gomme ke be ke bolela, ke na le tirelo ya phodišo, ka morago ga lehu la—la Ngwanešu B. E. Rediger. Gomme Ngwanešu Bosworth o bile fale, Paul Rader. Gomme bontši bja lena bakgalabje, go swana



le nna, le elelwa Paul Rader; gomme o be a le Mobaptist, gomme re be re le, kafao re be re le bagwera ba bagolo. Gomme kafao ge ke bolela fale, ke be ke eya go rapelela balwetši. E be e le selo sa go tlabo go bona nako yeo. Eupša mohumagadi o tlišitše mošemane yo monnyane tlase, yo a bego a golofetše, gomme, ge a etla go kgabola sefala, pono ya Morena e bonagetše le go mmošša tšohle ka ga se e bego e le bothata ka mohlankana yo monnyane. Gomme ke kgopetše mosetsana go nneela—nneela mošemane yo monnyane.

48 Bjale feela bakeng sa bopaki bja kgaetšedi, gore le ke le bone se thabo le se tiragalo ya kgonthe mogau wa—wa Modimo, se O ka se dirago, ge O šomile go ya ka Lentšu la Modimo, le a bona, tshepišo ya Modimo go iri.

49 Bjale, tshepišo ya Modimo go Noage e ka se re šomele lehono. Tshepišo ya Modimo go—go Moshe, re ka se kgone go ba le Molaetša wa Moshe. Moshe o be a ka se kgone go ba le molaetša wa Noage. Re na le Molaetša wa iri. Re be re ka se kgone go ba le molaetša wa Luther. Re be re ka se kgone go ba le molaetša wa Wesley. Ye ke nako ye nngwe. Modimo o beetše Lentšu la Gagwe lebaka le lengwe le le lengwe. Gomme ge lebaka leo le etla, O romela yo mongwe fale go hlatsetša Lentšu lela, go netefatša gore leo ke therešo. Gomme bjale re bona ka go le lengwe le le lengwe la lona gona, feela go swana le se Jesu a se boletšego ge A be a le mo lefaseng, O rile, “Le aga mabitla a baprofeta, gomme botatagolena ba ba beile ka fale.”

50 Bjale, batho ba gešu ke Makatoliki, bjalo ka ge le tseba, go beng Moirish. Bjale rena . . . Bjale ba—ba bolela ka Mokgethwa Patrick, Makatoliki ba a mo tleleima. Gabotse, o no ba e ka ba bontši Mokatoliki bjalo ka ge ke le. Ba bolela ka Joan wa Arc, Ba tshumile mosetsana yola koteng, bakeng sa moloi, bohle re tseba seo, ka gobane o be a le wa semoya gomme o bone dipono. Nnete, mengwaga ye mmalwa ye makgolo moragorago, ba epile mmele wa bona baprista, gomme ba dirile boitsholo, gomme ba ba lahletše ka nokeng. Eupša seo ga se se se e tšeago, le a bona.

51 Ka mehla ba a e foša. Motho ka mehla o reta Modimo go se A ilego a se dira, a lebeletše pele go se A tla bago, gomme ba hlokomologa se A se dirago. Seo e no ba tlhago ya motho. Gomme ga se a fetole tlhago ya gagwe, motho wa lefase.

52 Kafao re hwetša gore Molaetša wa rena, lehono, Molaetša woo re nago le wona, wa, “Tšwang ka ntle ga Babilonia, gomme le lokologe, gomme—gomme le tlatšwe ka Moya, gomme mabone a lena a hlhlorilwe le go etša, gomme, lebelelang godimo, topollo ya rena e batamela kgauswi,” dilo tše ga di tsebje go batho ba bantši ba ba hemago le go bitša Leina la Morena wa rena wa go ratega.

53 Eupša efela ka makgatheng ga tšohle tše, ga re na selo kgahlanong le batho bale, batho bale ba kereke ya leina. Bohle

ba lokile, ba gabotse. Bona ke—bona ke badirimmogo ba rena ka go Ebangedi, ka gobane Jesu o rile, “Ga go motho a kgonago go tla go Nna ntle le ge Tate wa Ka a mo goga. Gomme—gomme bohle Tate a Mphilego, ba tla tla.”

<sup>54</sup> Kafao, rena re no ikarabela feela go bjaleng Dipeu. Tše dingwe di wetše kgauswi le tsela, tše dingwe go mehuta ya go fapana ya mobu, tše dingwe di wetše godimo gomme tša tšweletša lekgolo le menagane. Kafao, re no ba bagaši ba Peu. Modimo ke Yena Yo a E šupetšago ge E ewa. Gomme bjale re rapela gore mohlomongwe, mosong wo, go tla ba le Peu ye nnyane e rothela pele felotsoko, yeo e ka hlhloletšago yo mongwe. Gomme feela bjale ka ge mo—mo—mo motho . . .

<sup>55</sup> Go feleletša bopaki bja ka ka ga mohumagadi yo monnyane yoo ke bego ke yo boelago ka yena. Mohumagadi yo o tlišitše lesele le lennyane le, mošemane yo monnyane, ke a thanka, a ka ba lesome, bogolo bja mengwaga ye lesomepedi, gomme mohlomongwe go sego bogolo bjoo, gobane mosadi yo o be a mmelele. Gomme o mo neetše. Gomme feela nako yeo, ge ke be ke neela thapelo bakeng sa ngwana, moisa yo monnyane o tabogile go tšwa matsong a ka gomme o ile a kitima go theoga sefala, sa batho e ka bago ba dikete tše masometharo tlhano goba dikete tše nne. Gomme ge ba dirile, selo sa mathomo ba kilego ba se bona se dirwa, mme, a dutše setulong sa ka pele, o nno idibala le go rutlologela godimo. Gomme mosetsana yo monnyane wa Moamish . . .

<sup>56</sup> Na le tlwaelane le Moamish? Ga ke tsebe ge e ba le na le bona ntle fa, moriri wo motelele, ke batho ba ba bose kudu, le go hlweka kudu le mohuta wo mobose. Le a tseba, ka go bohle Mamennonite, goba Maamish, le go ya pele, ge re ne le rekoto e tee ya sesenyi sa motšwamahlalagading. Ba bitše ba go segiša ge le nyaka go dira, eupša re—re na le se sengwe se hlaetša ka magaeng a rena, seo ba nago le sona. Ga ba ne le rekoto e tee ka go dikgorotsheko, ya ma—ma maitshwarompe a motšwamahlalagading a etšwa magareng ga bona. Ba godiša bana ba bona, feela ka go tsela e tee, gomme yeo ke tsela ye ba yago.

<sup>57</sup> Gomme mohumagadi yo yo moswa o be a le mmapiiano wa go tsebe ga, mosadi yo mobotse yo moswa, le wo motelele, moriri wo moshlana o kgokilwe ka morago. Gomme ge a lebelela go kgabaganya . . . Bjale, o be a le Moamishi, ga se a tseba selo ka ga Pentecost, gomme le nna ga se ke dire. Eupša ge a lebeletše go kgabaganya sefala, le go boneng mošemane yola yo monnyane a eya, a sepela go kgabaganya fale, o fošeditše diatla tša gagwe mo moyeng.

<sup>58</sup> Bjale, ke a tseba go na le bohlang, gomme ke a holofela ga ka tlwaela. Ga—ga se nna ramaaka. Gomme ga—ga ke yena. Ge ke le phošo, ga—ga ke ka phošo ka boomo, ke ka phošo ka go se lemogwe.

<sup>59</sup> Eupša mosetsana yola o fošeditše diatla tša gagwe ka moyeng, gomme moriri wola o wetše fase go kgabaganya magetla a gagwe, gomme a thoma go opela ka leleme le sa tsebjejo. Gomme o be a bapala sefela sela, “Matwetwe yo Mogolo bjale o kgauswi, Jesu wa go kwelabohloko.” Gomme ge a tsheletše godimo go tloga fale. . . Ke a tseba se se kwagala go tlabo kudu bjale. Eupša mosetsana yo ga se nke a ke a tseba selo ka ga go bolela ka maleme, eupša o be a opela ka leleme la go se tsebje, “Matwetwe yo Mogolo bjale o kgauswi, Jesu wa go kwelabohloko.” Gomme piano yela e bapetše go ya pele, “Matwetwe yo Mogolo bjale o kgauswi, Jesu wa go kwelabohloko.” Gabotse, ba kgobetše tšona dialetara, gomme tlase go theoga moagogodimo, ka go lebato, batho ba goeletša! Mosetsana yola a eme godimo fale, ka sefahlego sa gagwe ka tsela *yela*, a bolela ka maleme a mangwe; gomme, piano, dikhii tša manakatlou di sa sepele:

Matwetwe yo Mogolo bjale o kgauswi,  
 Jesu wa go kwelabohloko,  
 O bolela go hlaletša dipelo tše di sekamilego,  
 Ga go Leina le lengwe eupša Jesu!

<sup>60</sup> Oo! Ke . . . “Leihlo ga se la bona, le tsebe ga se e kwe, seo re se boloketšwego.” Le tseba se ke se naganago? Gobaneng re ka—gobaneng re ka amogela kemedi goba feela se sengwe seo e lego go dumela ga maitirišo, mola magodimo a tletše ka a mmapale, Maatla a Modimo a kgonthe, ao a kgonago go lokolla soulo, ao a ka re direlago se sengwe? Modimo a le šegofatše. Bjale, go na le dilo tše dintši kudu.

<sup>61</sup> Ga se nke ka ke ka le botša moo le ka hwetšago puku ye, le a bona. Lepokisi la Ofisi ya Poso 325, ka Jeffersonville. Gomme ge le ka ngwala, gobaneng, ba tla e romela go lena. Goba, goba, etela ye nngwe ya dikopano tša rena, ba tla be ba di fa.

<sup>62</sup> Bjale, ke leboga kudu bakeng sa nako ye kaone ye ya kopanelo. Gomme mosong wo ke be ke nagana ka ga kanegelo ye nnyane ke bego ke fela ke e bolela go Banna ba Kgwebo ba Bakriste, ka ga Sakeo. Bontši bja lena le nkwele ke e bolela, ka ga ka fao gore moisa yo yo monnyane ga se a dumele ka go go hlatha, gomme, ga Morena. Nnete, ke a thanka, bjalo ka ge re na le ka go lebaka le lengwe le le lengwe, le bona ya mmapale, morago le bona dikekišo. Gomme re no swanela go kgotlelela tšeo. Eupša ba go loka, banagani ba tiilego le monna wa Mangwalo ba a kwešiša, le a bona. Yeo, rena, gomme ga go kgathale. . .

<sup>63</sup> Ge Mdi. Aimee Semple McPherson, ge a be a le fa mo lefaseng, ka go bodiredi bja gagwe, ba bolela gore gabotse go nyakile mosadi yo mongwe le yo mongwe wa moreri o rwele mafego ale, boka, le a tseba, goba dikaone ka mokgwa wola, gomme ba phathekgile Beibele.

64 Nno lebelelang go boBilly Graham ka nageng lehono. Eupša, le a tseba, Billy Graham a ka se tsoge a kgonne go tšea sekgoba sa gago. Nka se kgone go tšea sekgoba sa Billy, a ka se kgone go tšea sa ka. Nka se kgone go tšea sa gago, gomme o ka se kgone go tšea sa ka. Wena o motho ka motho, ka go Modimo. Modimo o go dirile ka tsela ye o lego, bakeng sa morero wo itšego. Ge re ka no hwetša mafelo a rena, gomme morago ra dula fale. Ge le leka go dira se sengwe go fapana, gona, le a bona, re—re ka go lefelo la yo mongwe, ye re no go tšhilafatša seswantšho sa Modimo.

65 Re tšea go swana le Billy Graham ka go lefese la kereke ya leina lehono, bjalo ka ge a le, ge re ka e bitša mohlomongwe go moraloki wa kgwele ya maoto, o swere kgwele.

66 Bjale ge o leka go tšea kgwele go tloga go monna wa geno mong, o no ba o hlakahlakanya sehlopha sa geno. Šireletša monna wa geno, le a bona. Tšwelapele o mo šireleditše, tloša bontši bja bona gore a kgone go dira mokitimo. Gomme re tla ba le mokgwathofase ka morago ga nakwana, gomme Jesu o tla tla, gomme nako yeo go tla be go fedile. Morena a le šegofatše.

67 Bjale ke ya go polelo ka ga monna yo, Sakeo. Gomme ke bile le yena godimo mo mohlareng, le a tseba, le mahlare ohle a gogetšwe go mo rarela. Gomme morago ge a theologile go tšwa mohlareng, o ile gae le Jesu. Gomme ke rile, “O bile moleloko wa lekala la Banna ba Kgwebo ba Ebangedi ya go Tlala.” Kafao ge eba go na le Sakeo o rilego ka fa, mosong wo, ke a holofela gore o tšea keletšo yeo e botse gomme wa ba moleloko wa Banna ba Kgwebo ba Ebangedi ya go Tlala.

O re, “Ebangedi ya go Tlala?” Ee, mohlomphegi.

68 Seo ke selo se nno ši Jesu a ka bego a se rerile, e ka be e le Ebangedi ya go tlala. Yeo ke nnete. A yeo ga se nnete? [Phuthego e re, “Amen.”—Mor.] Kgonthe, ka gore O be a le Ebangedi ya go tlala. Yeo ke nnete. O be a ka se kgone go ikgana Yenamong.

69 Eupša bjale ke na le Mangwalo a se makae a ngwadilwe fa, a se sennyane, sehlogo sa go tlwaelega se sennyane, go ka se ntšee eupša feela metsotso e se mekae, ge le ka nkgotlelela. Gomme pele re dira se. . . Bjale, ka go kopanelo ya rena ye nnyane ya gohlakanela, le go bolela ka ga diatla tša bera, ka paketeng, le go ya pele, bjale a re no phaelang ka thoko tšohle tša se bjale, gomme re no nagana re a tlwaelana. Gomme, gomme re nyaka bjale go tsena ka go karolo ya go teba ya Lentšu.

70 A re inamišeng dihlogo tša rena bjale, ge re Le batamela. Ka gobane, ga re ne tokelo go batamela Lentšu, ka ntle ga go bolela le Mongwadi, pele.

71 Ka dihlogo tša rena di inamišitšwe, mahlo a rena a tswaletšwe, gomme ke a tshepa gore dipelo tša rena di inamišitšwe le hlogo ya rena. Ke a makala, ge ke phagamiša mahlo a ka le go lebelela godimo ga batheeletši, ge go ka ba le yo mongwe fa a ka go re, ka go phagamišeng diatla tša bona,

“Ngwanešu, modiredi, nkgopole ka go thapelo. Ke—ke a hloka lehono”? Modimo a go šegofatše. Modimo a go šegofatše. Bjale O bona seatla sa gago. O tseba se se lego ka tlase ga seatla sa gago, ka pelong ya gago. A nke A e fe, ka go thapelo ya ka.

<sup>72</sup> Morategi Modimo, bjalo ka ge re thabetše moago wo woo re nago, bana ba Gago ba go kokobela, re kgona go kgobokana renabeng mmogo ka tlase fa, le go no bolela le go ba le kopanelo, go no ba renabeng, ge re ineela renabeng go Kriste, le go hlogogelwa go ba bontši go swana le Yena. Re banešu ba go direla re dutše kgauswi, Morena, monna yo a lego go kgona kudu go ema fa go hlagiša Lentšu le go phala nna, mohlanka wa Gago wa go se swanele, eupša ke sebaka sa ka. Gomme, Tate, ke a rapela, lehono, gore ge nka bolela se sengwe seo se ka no se bego go ya ka thato ya Modimo, gore, pele ke se bolela, O tla tswalela molomo wa ka; go swana O dirile melomo ya ditau, letšatši le lengwe, kafao ga se tša tshwenya Daniele.

<sup>73</sup> Tate, re a Go kgopela bjale go gopola yo mongwe le yo mongwe, modiredi yo mongwe le yo mongwe. Gomme tsošetšo ye yeo e kgatlampanago fa ka go toropokgolo, Morena, tlase go Assemblies of God, ke a rapela, morategi Modimo, gore O tla romela tsošetšo ye bjalo ka fale gore toropokgolo ye ka moka e tla huduwa ke Maatla a Modimo, gore dipara tše tšohle le bana ba go tsekella tikologong mo mokgotheng ba tla tlišwa go Terone ya Modimo, le go tlatšwa ka botho bja Gagwe le ka Moya wa Gagwe. E fe, Tate wa Legodimong.

<sup>74</sup> Gomme re a rapela gore lehono, gore ge go na le monna goba mosadi, mošemane goba mosetsana, yoo a tlišitšwego ka go kopano ye mosong wo, fa ka tlase ga tšhireletšo go tloga go lehlwa, gore Moya wo Mokgethwa wo mogolo o tla etela pelo ya bona le go bolela le bona, ka tsela ya sephiri. Mohlomongwe ba bangwe bao ba tsekelletšego kgole, bao ba kilego ba Go direla, Morena, eupša bjale ba ile kgole; ba buše morago, Morena, mosong wo.

<sup>75</sup> Gomme re rapelela lekala le, bakeng sa Ngwanešu Earl le bakeng sa mosadi wa gagwe, le bakeng sa ba bangwe. E fe, Morena.

<sup>76</sup> Bjale re ngwathele Senkgwa sa Bophelo, ge re bula morago matlakala a Lentšu, ka gobane re a tseba Beibele ga se ya tlhathollo ya sephiri. Eupša, Modimo ga a re nyake go hlatholla Lentšu la Gagwe, Yena ke mohlatholli wa Gagwe Mong. O boletše letšatši le lengwe, “A go be le seetša,” gomme go bile le seetša. O rile, “Kgarebe e tla ima,” gomme o dirile. “Gomme mo matšatšing a mafelelo Ke tla tšhollela ntle Moya wa Ka godimo ga nama yohle,” ga go kgathale se lefase le se boletšego, O e dirile. Yena ga a hloke mohlatholli. O hlatholla Mantšu a Gagwe Mong, ka go Le dira le phele le go Le hlatsetša go ba bjalo. Etla dipelong tša rena, Morena Jesu, gomme go re hlathollele, lehono, dilo tše re di hlokago. Re e kgopela ka Leina la Jesu. Amene.

<sup>77</sup> Bjale ka go Beibele, ge le ka phetla. Ke a dumela ga se nke ka ke ka ba le molaetša ke lekilego go tšea go bolela ka ona, yoo ke sa nkago pele ka bala Lentšu. Ka gobane, lentšu la ka le tla šitwa, ke nna motho. Eupša Lentšu la Gagwe le no se kgone go šitwa, Yena ke Modimo. Kafao a re phetleng bjale bakeng sa feela sehlogo se sennyane, gomme re ya go tšwa feela ka go feela e ka ba ye masometharo, metsotso ye masomenne, Morena ge a rata.

<sup>78</sup> Go Kutollo bjale, re duma go phetla go tema ya 3 ya Kutollo, go thoma ka temana ya 14. Gomme re nyaka go bala feela karolo, ke Molaetša go Lebaka la Kereke ya Laodikia. Gomme ke a dumela, gomme ke—ke a kamaka bontši batho bohle ba go tla la ka Moya le babadi ba Beibele ba dumelago, ba ka re *amene* go seo, gore re ka go Lebaka la Kereke ya Laodikia, ka gobane leo ke lebaka la mafelelo. Theetšang Molaetša wa seemo sa kereke mo nakong ye.

*Gomme go morongwa wa kereke ya . . . Laodikea ngwala; Dilo tše go boletše Amene, hlatse ya go botega le therešo, mathomo a tlholo ya Modimo;*

*Ke tseba mediro ya gago, . . . wena ga o tonye ebile ga o fiše: Ke duma gore o ka be o tonya goba o fiša.*

*Kafao gona ka gobane wena o bololo, gomme o sa tonye ebile o sa fiše, Ke tla go tshwa go tšwa molomong wa ka.*

*Ka gobane wena o re, ke humile, gomme ke na le dithoto tše dintši, gomme ga ke hloke selo; gomme ga o tsebe gore o a šokiša, . . . wa madimabe, . . . wa go diila, . . . wa sefofu, gomme o hlobotše.*

*Ke a go eletša go reka go nna gauta e lekilwego ka . . . mollo, gore o hume; le seaparo se sešweu, gore o ke o apešwe, le gore dihlong tša gago tša go hlobola ga gago di se bonale; gomme o tlotše mahlo a gago ka makhura a mahlo, gore o ke o bone.*

*Ba bantši ba Ke ba ratago, Ke a ba sola le go ba kgalema: kagona fišegelwa, gomme o sokologe.*

*Bonang, Ke eme mojako, gomme ke a kokota: ge motho e ka ba mang a ekwa lentšu la ka, gomme a bula lebatl, Ke tla tla go yena, gomme ka lalela le yena, gomme yena le nna.*

*Go yoo a fenyago Ke tla mo fa go dula le nna mo teroneng ya ka, ebile bjalo ka ge Ke fenyaga, gomme ke dutše fase le Tate wa ka mo teroneng ya gagwe.*

*Yo a nago le tsebe, a nke a kwe se Moya o se boditšego dikereke.*

<sup>79</sup> Morena a šegofatše palo ya Lentšu le. Bjale ke nyaka go tšea, bakeng sa feela dinakwana di se kae, sehlogo se sennyane, se bitšwago, *Mabati Ka Lebating. Mabati Ka Lebating.* Bjale ye ke

yona. . . *Mabati Ka Lebating*, ke mantšu a mararo. *Mabati Ka Lebating*.

<sup>80</sup> Le ka re go nna, “Ngwanešu, ka kgonagalo go na le batho ba lekgolo fa. Fao, a ga o nagane yeo ke mohuta wa sehlogo se sennyane, ge o na le pele ga gago disoulo tše lekgolo?”

<sup>81</sup> Gabotse, yeo e ka no ba therešo, se—se sehlogo ke se sennyane. Eupša ga se bogolo bja sehlogo, bjoo—bjoo bo balwago, ke se se lego. Ke—ke se sehlogo se se bolelago, seo se balwago.

<sup>82</sup> Go swana, ke a dumela go bile ka Louisville, Kentucky, nako ye nngwe ya go feta, mo—mo mošemane yo monnyane o be a le godimo ka bophagamong, a fenyekolla tikologong ditheranka tše dingwe tša kgale godimo ka go lebatogodimo, gomme a thulana le setempe sa poso sa fešene ya kgale. Gabotse, selo sa pele ka monaganong wa gagwe, a ka hwetša khouna ya aese khirimi bakeng sa seo. Go be go na le mokgobokanyi tlase mokgotheng, kafa o lebile go theoga mokgotha, feela ka maatla ka fao a kgonnego go ya. Gomme o rile, “Na o ka mpha eng bakeng sa setempe se?”

<sup>83</sup> Mokgobokanyi o se lebeletše godimo, gomme se be se le mokgwa wa go galoga. O rile, “Ke tla go fa tolara.”

<sup>84</sup> Nna, seo e bile go rekišwa gabonolo. A ka be a ile a e tlogela ya ya go nikele, gomme morago a e thabetše, go hwetša aese khirimi, eupša se ile sa rekišwa ka tolara. Mokgobokanyi o se rekišitše bakeng sa ditolara tše makgolotlhano. Gomme moragorago, ga ke tsebe feela moo se ilego sa ya, se ile ka go makgolokgolo a ditolara. Le a bona, ntshetlana ye nnyane ya pampiri e be e se bontši kudu, feela ntshetlana yeo o bego o ka se e tope go tloga lebatong. Eupša, e be e se pampiri yeo e balwago, e be e le se se lego go pampiri, se balwago.

<sup>85</sup> Gomme yeo ke tsela go lego ka ga Lentšu la Modimo. Ga e no ba pampiri, boleng bja pampiri, goba bogolo bja pampiri, ke se se ngwadilwego godimo ga pampiri yeo. Gomme lentšu le letee le lekanetše go phološa lefase, ge le ka amogelwa ka tsela yeo.

<sup>86</sup> Nako ye nngwe ya go feta go bile le. . . Ke badile kanegelo ya matšatši a ba go hlomphega ba rena. . . Yo mongwe wa Dipresitente tše kgolokgolo ke naganago setšhaba se kile sa ba le yena e bile—e bile Lincoln. E sego ka gore o tšwa Kentucky, eupša ka gobane o be a le monna yo mogolo. O ile a kunwa thuto, eupša efela go bile—bile se sengwe ka pelong ya gagwe, morero wo itšego.

<sup>87</sup> Ke—ke rata monna wa pono. Ke rata batho bao ba nago le se sengwe ba se lwelago, feela e se no go ba go dula tikologong, “Gabotse, e ka ba eng e tlogo e tla loka.” Oo, tsoga gomme o be go yona! Gomme Lincoln ga se nke a dumelela thuto ya gagwe go ema tseleng; o bile le se sengwe go dira. Ke nagana Mokriste

yo mongwe le yo mongwe o swanetše go ba ka tsela yeo, hwetša morero wa gago gomme o ye go o dira.

<sup>88</sup> Moleloko yo mongwe le yo mongwe wa lekala le, feela e sego, “Gabotse, re ba le difihlolo gatee mo kgweding,” seo ga se sona, “goba gatee Mokibelo wo mongwe le wo mongwe.” Eba le morero mo bophelong, se sengwe o yago go se dira. A nke re. Modimo o go beile fa; dira se sengwe ka sona, moleloko yo mongwe le yo mongwe wa kereke ye nngwe le ye nngwe. Go na le tsošetšo ka toropong. Tsošetšo e gona ka morero. A re hwetšeng se sengwe go tšwa go yona. A re direng se sengwe ka yona.

<sup>89</sup> Mna. Lincoln. Go bile le monna yoo. . . moisa yo moswa, o—o be a le ntweng, gomme—gomme o bile—o bile lefšega, le go thoma. Gomme mo nakong ya mošomo, o—o—o ngwegile go tloga mošomong wa gagwe; gomme ba hweditše se sengwe kgahlanong le yena, gore o be a eya go swanelwa ke go thunywa. Gomme, oo, o . . . go be go šiša. Gomme moisa yo mongwe yo monnyane o mo ratile gabotse kudu, o ile go Mna. Lincoln, go hwetša tshwarelo. O be a le Mopresitente nakong yeo, ka go Dinaga Kopano fa, gomme kafao o ile go yena bakeng sa tshwarelo.

<sup>90</sup> Gomme o rile go yena, ge a be a etšwa ka go karikana ya gagwe; gomme Mna. Lincoln, yo motelele, wa ditedu, wa borwa wa nnete, yo mosese. Gomme o rile, “Mna. Lincoln, go na le mošemane yoo a yago go hwa, mo matšatšing a mabedi go tloga bjale, o yo thunywa, ka gobane gore o tšhabile ka nako ya ntwa.” Gomme o rile, “Mna. Lincoln, mošemane ga se mošemane yo mobe. Eupša ge dimaskete tšohle tše di be di thuntšhwa, le—le batho ba ehwa, o ile a tšhoga. Gomme o ile a nyama kudu, gore, o fošeditše diatla tša gagwe godimo gomme a thoma go goeletša.” O kitimetše godimo, o rile, “Ke tsebile mošemane.” O rile, “Mna. Lincoln, ke feela leina la gago godimo ga ntshetlana ye ya pampiri le ka mmolokago. A o tla e dira?”

<sup>91</sup> Nnete, mokgomana yo wa Mokriste, ka pela o saenne pampiri, “O swaretšwe, *Semangmanq*.” O saenne leina la gagwe, “Abraham Lincoln, Mopresitente wa Dinaga Kopano.”

<sup>92</sup> Motseta o ile morago ka maatla ka mo a kgonnogo. Gomme o kitimetše go sele, o rile, “O lokologile! O lokologile! So wa Mna. Lincoln, mosaeno wa Mna. Lincoln. O lokologile!”

<sup>93</sup> O rile, “Gobaneng o ka tla go nkgolla, o tseba gore ke a hwa gosasa?” O rile, “Tloša seo go tloga fa, o no ba o nkgolla.” Gomme ga se a ke a e amogela. O rile, “Aowa, ga—ga ke e nyake.” O rile, “O no ba o dira. . .” O rile, “Ge yoo nkabe e le mo—mo Mopresitente,” o rile, “e be e tla ba le se—se seka sa bosetšhaba, gomme e tla ba le pampiri ya gagwe ya maleba.”

O rile, “Eupša ke mosaeno wa gagwe!”

<sup>94</sup> O rile, “Ke tla tseba bjang mosaeno wa gagwe?” O rile “O no ba o nkgolla, o leka go ntira ke ikwele gabotse.” Gomme a no



thoma go goeletša, a furaletša mokokotlo wa gagwe. Mošemane o ile a thunya wa mosong wo o latelago.

<sup>95</sup> Kagona ka morago ga ge mošemane a hwile, gomme leina la Mopresidente godimo ga ntshetlana ya pampiri, gore o be a swaretšwe, gona eng? Gomme ba e sekile ka go kgorotsheko ya feterale. Gomme sephetho sese sa dikgorotsheko tša feterale, ye e lego gomangkanna wa dikgorotsheko tša rena. Se ba se bolelago dinako tše dingwe, ga re rate dipheho tša bona, eupša re swanetše go se obamela go le bjalo, le a bona, ka gobane yeo ke kota ya go tlema. Yeo ke gomangkanna. Bjale, e boletše sephetho se, “Tshwarelo ga se tshwarelo ka ntle le ge e amogetšwe bjalo ka tshwarelo.”

<sup>96</sup> Gomme yeo ke tsela ye Lentšu la Modimo le lego. Ke tshwarelo ge Le amogetšwe bjalo ka tshwarelo. Gomme Ke Lentšu la Modimo, Ke maatla a Modimo, go bale ba ba tla Le dumelago le go Le amogela.

<sup>97</sup> Ga go kgathale, o Le lebeletše, gomme o re, “Oo, leo le hlakahlakane, go bile le diphetolelo tše milione, le tšohle tšela.” Go ka no ba seo go yo mongwe.

<sup>98</sup> Eupša, go nna, Le sa le Lentšu la Modimo, “Jesu Kriste wa go swana maabane, lehono, le go ya go ile.” O tlamegile go dula le Lentšu lela.

<sup>99</sup> Bjale O swanetše go ahlola kereke, letšatši le lengwe. Gomme ge A e ahlola ka kereke ya Katoliki, ye ba rego O tla dira, gona ke efe ya dikereke tša Katoliki A tla e ahlolago ka yona? Ba a fapana o tee go tloga go yo mongwe. Ge A e ahlola ka ya Methodist, lena Mabaptist le ile. Ge A e ahlola ka ya Pentecostal, ka moka ga lena le ile.

<sup>100</sup> Eupša A ka se e ahlole ka kereke. Beibele e rile, “O tla ahlola lefase ka Jesu Kriste, gomme Kriste ke Lentšu.” Kafao le a bona re ntle le boitshwarelelo, Ke Lentšu la Modimo, leo A re ahlolago; gomme ga go kgathale ke go go nnyane bjang, lentšu la letee le bohlokwa go Le, go boletše Kutollo 22:18.

<sup>101</sup> Sa pele, ke tla thoma ka Genesi. Modimo o file moloko wa motho Lentšu la Gagwe, go itlhama bonabeng go tšwa lehung, sebe, le manyami, goba kotsi e ka ba efe. Ketane, ya Mantšu a Gagwe. “O se ke wa kgwatha mohlare tsoko wo, ka gore, letšatši le o jago go tšwa fao, letšatši leo o a hwa.” Gomme ketane e no ba bokaonekaone mo go makopano a yona a go fokolafokodi. Gomme disoulo tša rena di gogelwa godimo ga hele, di swanetše go ketane ye; roba e tee ya tšona, seo ke sohle o swanetšego go se dira. Efa ga se nke a roba lefoko, o robile Lentšu, ka Sathane. Seo e bile mathomong a Puku.

<sup>102</sup> Ka magareng ga Puku go tla Jesu, gomme o rile, “Motho a ka se phele ka borotho feela, eupša ka Lentšu le lengwe le le lengwe.” E sego karolo ya ona, feela le letee fa le fale, eupša,

“Lentšu le lengwe le le lengwe leo le tšwilego ntle ga molomo wa Modimo.”

<sup>103</sup> Ge A be a hwile, a tsogile, gomme a ile ka Legodimong, le go bowa morago le go fa Johane. . . se A se boletšego fale ka morago ga tsogo ya Gagwe. O rile, “Go ka reng. . .” O rile, “Go tla direga eng go monna *yo*?”

<sup>104</sup> Jesu o rile, “Ke eng go lena ge a ka ya pele a phela go fihla Ke etla?” A sa tsebe tlwa bophelo bja gagwe bo tla, eupša bodiredi bja gagwe bo tla ya pele. Gomme O mo phagamišeditše godimo, ka go tema ya 4 ya Kutollo, le go mmontšha dilo tšohle tšeo di bego di etla, tšeo re phelago ka go tšona, ebile go fihla go sehlogo se lehono.

<sup>105</sup> Gomme gona go tema ya 22, tema ya mafelelo, temana ya 18, O rile, “Mang le mang a tla tlošago Lentšu le letee go tšwa Pukung ye, goba go oketša lentšu le letee go Yona, karolo ya gagwe e tla tlošwa go tloga Pukung ya Bophelo.” Le a bona? Kafao re dumela gore motho o phela ka Lentšu le lengwe le le lengwe la Modimo. Ke a e dumela gomme ke a tseba ke therešo. Ke e nnyane bjang, ga go tshwenye. Go no tšea lentšu le letee, go e dira.

<sup>106</sup> Go naganeng ka ga ka fao bonnyane le go se be bohlokwa, go boneng gore ba bantši ba bagwera ba ka ba Macanadian ba dutše fa. Ke elelwa ke be ke le ka Canada ge Kgoši George. . . Yena ke bilego le monyetla go yo mo rapelela, ge a be a fodišitšwe, ka wola bontši bja thatafalo ya disele; o be a tlaišega letšatši leo, go tšwa go thatafalo ya disele, gomme gape o be a na le bothata bja teng, alesa; bjalo ka ge bontši bja lena Macanadian le tseba, le Maamerika, gape. Eupša go mmoneng a feta tlase go kgabola fale, a dutše ka go karikana yela, o—o be a le kgoši. O itshwere yenamong bjalo ka kgoši. Kgošigadi wa gagwe yo mobotse a dutše hleng le yena, ka seaparo sa gagwe se bolou, le ge a etla go theoga mekgotha.

<sup>107</sup> Gomme mogwera wa ka, le nna, re be re eme mmogo. Gomme ge karikana yela e feta kgauswi, o nno retolla hlogo ya gagwe le go thoma go lla. Ke beile seatla sa ka godimo ga legetla la gagwe, gomme ke rile, “Bothata ke eng?”

<sup>108</sup> O rile, “Ngwanešu Branham, fale go sepela kgoši ya ka le kgošigadi ya gagwe.” Gabotse, nka—nka leboga seo.

<sup>109</sup> Kafao ke naganne, “Ge Mocanadian, ka tlase ga hlogo ya mmušo, e sego hlogo ya mmušo, eupša e sa le gape hlogo ya mmušo, wa Engelane, le kgoši e feta kgauswi, go kgona go dira Mocanadian a lle, le go retolla hlogo ya gagwe le go lla, go tla ba eng ge re bona Kgoši ya rena?” Gomme go nagana ka yona, karolo ya rena e tla ba Kgošigadi.

<sup>110</sup> Nako yeo bana ba be ba ntšhitšwe go tšwa dikolong, bana ba bannyane, ba be ba filwe ye nnyane, folaga ya Britania. Folaga ya Canada e bitšwa se sengwe gape. Ngwanešu Fred, folaga ya

Canada e bitšwa eng? [Ngwanešu Fred Sothmann o re, “Union Jack.”—Mor.] Union Jack. Eupša ba ba file ye nnyane, folaga ya Britania, go šišinya. Gomme ge kgoši a feta kgauswi, baisa bohle ba bannyane ba emeletše, ba šikinya folaga ye nnyane ya bona—ya bona, gomme ba goeletša go kgoši. Gomme—gomme go be go na le dipente di bapala, *Modimo Boloka Kgoši*, ge a matšha go kgabola mokgotha.

111 Oo, ge le ka no hwetša . . . Le ka ba le mmono wa se se yago go ba ka go tso go yela fale!

112 Gomme ge ba be ba laetšwe, baisa ba bannyane, go boela morago sekolong ka pela ge pha—pha phareiti e fedile. Gomme, baisa ba bannyane ba boela morago, sekolo se setee se hlokile mosetsana yo monnyane. Gomme ba ile mogohle, go hwetša moisa yo monnyane, godimo le tlase mekgotheng. Gomme, mafelelong, ka morago ga pale ya mogala, go eme yo monnyane, wa nthatana monnyanennyane, mosetsana wa kgopana, a nno lla gabohloko.

113 Gabotse, morutiši o mo kuketše godimo gomme . . . [Ga go selo lefelong la theipi—Mor.] “Bothata ke eng? A ga se o bone kgoši?”

O rile, “Ee, ke bone kgoši.”

O rile, “A—a ga se o šišinye folaga ya gago?”

O rile, “Ee, ke—ke šišintše folaga ya ka.”

O rile, “Gabotse, gona, gobaneng o lla?”

114 O rile, “O a bona, morutiši, ke yo monnyane kudu, ba bangwe ba be ba eme ka pele ga ka, ba be ba le ba bagolwane. Gomme ke šišintše folaga ya ka, eupša ga se a e bona.” Gomme o be a tshwenyegile ka yona. Gabotse, yoo e ka no ba Kgoši George ga se a bone moisa yola yo monnyane, ka leemo. A ka no be a se a bona pelo ya gagwe ya go rata naga, le ka fao a ikwetšego go yena. O be a le yo mokopana kudu.

115 Eupša ga go bjalo ka Kgoši ya rena! Oo, selo se sennyanennyane re se dirago, O a se bona. Gomme O tseba tšona dilo le menagano yeo e lego ka dipelong tša rena, e ka ba eng re e dirago, bonnyane bjo e ka bago. Gomme re Mo hlankela bjang? Ge re hlankelana rena seng. Ge ke sa go rate, nka kgona go Mo rata bjang? Le a bona? “Ka kudu bjalo ka ge le dirile tše go ba bannyane ba Ka, le e dirile go Nna.” Le a bona?

116 Ke—ke dilo tše dinnyane tše re di tlogelago di sa dirwe, dinako tše dingwe, tše re di robago ketane ka moka, le a bona, le go re dira re lokologe, feela monagano wa kereke ya leina, le go lebala ka ga dilo tše dinnyane tše tše ka kgonthe di lego di—di dilo tše bohlokwa. Se sengwe le se sengwe, Lentšu le lengwe le le lengwe a la Modimo, ke le bohlokwa. Ga go le e tee ya Yona e ka go tlogelwa ntle. Re swanetše go tšea Lentšu le lengwe le le lengwe la Yona, feela ka tsela ye E ngwadilwego.

117 “Ke eme mo lebating,” go boletše Jesu, ka go Lebaka le la Laodikia, “le go kokota.” A le lemogile, lebaka le nnoši la kereke leo A rakilwego kerekeng ya Gagwe? Ohle mabaka a mangwe a dikereke, O be a le ka gare ga kereke. Go kgabola Mamethodist, le Malutheran, le go ya pele, O be a le ka gare, kereke. Eupša fa O ka ntle, dithutotumelo tša rena le dilo di Mo ntšhitše ka ntle ga kereke. Eupša O eme ntle fale, a sa kokota, “Yena yoo a tla kwago gomme a bula lebati, Ke tla tsena le yena, ka lalela le bona, le go mo fa phodišo bakeng sa mahlo a gagwe, le—le diaparō, le go mo fa mahumo a Legodimo; yena yoo a tla kwago Ke kokota.”

118 Ke naganne nka nagana ka leina la motaki yoo a thadilego seswantšho sela, a pentilego seswantšho, a ke re, sa mo lebating. Ge a . . . Le a tseba, diswantšho tšohle tše kgolo pele di swanetše go kgabola mothalo, goba, holo ya baswaswalatši, pele e ka fegwa go Holo ya Botsebegi. Mopento wola bjale o tla kitima go dimilione tša ditolara.

119 Eupša, le a bona, go bjalo ka Kereke, e swanetše go feta go kgabola holo ya baswaswalatši. Re ya go kgabola. Le ya go bitšwa “mopshikologimokgethwa,” le ya go bitšwa se sengwe le se sengwe. Eupša ge le ka no kgona go swarelela leemo la lena go Kriste, gona letšatši le lengwe O tla re tšeela go Holo ya Botsebegi. Eupša sa pele re swanetše go emela tshwaswalatšo. Fao ke moo bonnyane bja rena bo emago, fao ke moo e bontšhago. “Yoo a sa kgonego go emela kgalemo ke ngwana wa hlabā, gomme e sego ngwana wa Modimo.” Ga go kgathale bontši gakaakang a tšoenne kereke, le e ka ba eng a e dirilego, o sa no ba, ge a sa kgone go emela kgalemo, ke hlabā, gomme ga se ngwana wa kgonthe wa Modimo. Eupša wa kgonthe, ngwana wa mmapale wa Modimo ga a kgathale se lefase le se bolelago, se sengwe le se sengwe gape ke sa bobedi. O na le monagano wa gagwe go Kriste, gomme seo se a e fetša. Ee. E ka ba eng Kriste a rego dira, o tla e dira. E ka ba kae Kwana e yago, ba na le Yena, e ka ba kae. Gomme morago o bona go tšwelela ga Gagwe, Bogona bja Gagwe, le se A se dirago. Ka mehla O na le batho ba Gagwe, Monyalwa wa Gagwe. O a mo fereya. Letšatši le lengwe go ya go ba le Selalelo sa Lenyalo.

120 Gomme motaki yo, golejalo, ge e ile go kgabola baswaswalatši, sehlopha sa baswaswalatši se kgobokane go dikologa motaki yo. Ga ke kgone go nagana ka leina la gagwe. Ke leka go nagana ka Michelangelo, eupša yena o be a le mmetli wa segopotšo sa Moshe. Eupša ga ke kgone go nagana ka leina la gagwe. Eupša, golejalo, o rile, “Seswantšho sa gago ke sa maemo,” o rile, “ga ke na selo seo nka se bolelago kgahlanong le seswantšho.” O rile, “Ka gobane, O swere lantere ka seatleng sa Gagwe, e bontšha gore O etla, le yena, mo bošegong bja leswiswiswi.” O rile, “Gomme kagona O mo lebating, ka hlogo ya Gagwe, tsebe ya Gagwe, kafao A ka se . . . be le kgonthe go se foše pitšo ya tlaseflase. O ne tsebe ya Gagwe e retologetše go

lebati, gomme O kokota mo lebating.” O rile, “Eupša, o a tseba, mohlomphegi, go na le selo se setee o se lebetšego seswantšhong sa gago.”

<sup>121</sup> Gomme motaki, go mo tšere nako ya bophelo go se penta, o rile, “Ke eng seo ke se lebetšego, mohlomphegi?”

<sup>122</sup> O rile, “Ga go kgathale ke bontši gakaakang gore O kokotile, o a bona, o lebetše go bea seswaro go lona. Ga go na seswaro go lebati.” Ge o ka hlokomela lebati, ga go na seswaro go lona.

<sup>123</sup> “Oo,” go boletše motaki, “ke se pentile ka mokgwa woo. O a bona, mohlomphegi,” o rile, “seswaro se ka gare. Wena ke wena yoo a bulago lebati. O bula lebati.”

<sup>124</sup> Oo, monna o dira eng a kokota lebating la monna? O leka go hwetša botseno. O leka go tsena ka gare. Mohlomongwe o na le se sengwe a nyakago go go botša goba go bolela le wena. O na le molaetša go wena. Gomme leo ke lebaka batho ba kokotago go lebati la bona seng. Ba na le lebaka go e dira. Ga go kgonege go be le seo se direga ntle le lebaka le rilego. O ka se ye go ntlo ya monna ntle le ge go na le lebaka le rilego go ya; ge go se selo gape, go etela, go mo išetša molaetša, goba se sengwe. Go na le lebaka go monna go kokota go lebati la monna yo mongwe.

<sup>125</sup> Ge go na le potšišo, go swanetše go be le karabo. Go ka se kgone go ba le potšišo ntle le karabo. Kafao seo ke se re se lebeletšego ka go Beibele, dipotšišo tše tša letšatši, Beibele e na le karabo. Gomme Kriste ke Karabo yeo.

<sup>126</sup> Bjale, batho ba bantši ba bohlokwa ba kokotile mo mabating, tlase go kgabola nako ya bophelo, gomme ba bantši ba kokotile dinakong tša go feta; gomme ka kgonagalo, nako e tšwelapele, go tla ba le ba bantši gape, batho ba bohlokwa.

<sup>127</sup> Bjale, selo sa mathomo, mohlomongwe, ge yo mongwe a kokotile lebating la gago, ge o ka kgona, o tla ngwegela tikologong le go gogela garetene morago, go bona ke mang a lego fale.

<sup>128</sup> Ge o le matasatasa, bjalo ka ge re tleleima go ba lehono, “Matasatasa kudu go ya kerekeng; matasatasa kudu go dira se. Gomme, le a tseba, kereke ya ka ga e dumele ka go mohuta wola wa selo.” Gomme, le a bona, le no ba gannyane go tloga mothalong, dinako tše dingwe, go tloga go Lentšu.

<sup>129</sup> Eupša o gogela garetene morago, kagona o nyaka go bona ke mang a emego fale. Gomme ge e le motho wa bohlokwa, ka pela o kitimela lebating.

<sup>130</sup> Bjale a re boeleng morago feela gannyane nthatana, gomme re tšee batho ba se kae bao ba kokotilego. A re boeleng morago gomme re nagane ka Farao wa Egepete, mengwaga ye mentši ye makgolo ya go feta. Go ka reng—reng ge Farao, kgoši ya Egepete, a tlile tlase go ngwako wa mmotlana? Gomme mmotlana yo o be a le mohuta wa go se kwane le Farao, gomme o be a

sa dumele go dipholisi tša gagwe, gomme o fapane le yena. Gomme—gomme, eupša fa go eme Farao, a eme mo lebating la n-n ntlo ya matlapa goba ya mobu, bjalo ka ge re ka di bitša, tlase ka Egepeta. Gomme o gogela garetene ya gagwe morago, gomme fale go eme Farao yo mogolo mo lebating. Gomme o a kokota; myemyelo sefahlegong sa gagwe. [Ngwanešu Branham o kokota go se sengwe—Mor.] Gobaneng, mmotlana yola o tla bula lebati, le go re, “Tsena, Farao yo mogolo, a nke mohlanka wa gago wa go kokobela a hwetše mogau mo pele ga gago. Ge e ba go na le e ka ba eng ka gare ga maboto a ka, nna ke no ba kudu bjalo ka lekgoba go wena, Farao. O ntlhomphile go fetiša baena ba ka. O tlile ntlong ya ka, mola ke le motho wa moditšana. Wena o etela feela dikgoši le—le bahlomphegi, le batho ba bohlokwa. Gomme nna ke wa go se be bohlokwa. Eupša o—o a nketela, o ntlhomphile, Farao. Ke eng se mohlanka wa gago a ka go se dira?” Ga go tshwenye se Farao a ka se kgopelago, ebile le go bophelo bja gagwe, o tla bo fa. Kgontho. Ke tlhompho.

131 Goba, a re re go mohlala, Adolf Hitler yo a robetšego, ge a be a le Fuehrer wa Jeremane. Go ka reng ge a be a ile tlase go ngwako wa lesole? Gomme sehlopha sela sa masole a mannyane a Nazi bohle ba kampile go dikologa, gomme, selo sa mathomo le a tseba, gobaneng, yo mongwe o kokotile mo lebating. Gomme lesole le lennyane le rile, “Aa, ga ke ikwe gabotse mosong wo! Mosadi, ba botše ba tloge.”

132 Gomme o ngwegetše godimo go lebati, gomme o gogetše garetene morago. O rile, “Mogatša! Mogatša, tabogela godimo, ka pela!”

“Bothata ke eng? Ke mang a emego fale?”

“Hitler, Fuehrer wa Jeremane!” Oo, nna!

133 Lesole lela le lennyane le tabogetše ntle, a apara diaparo tša gagwe, ka pela, gomme a ema athenšene. O sepeletše godimo fale lebating, a kgonyolla lebati, gomme o butše lebati godimo, gomme o rile, “Reta Hitler!” Le a bona, o be a le monna yo mogolo, matšatšing a gagwe ka Jeremane. “Ke eng nka go se dira?”

134 Ge nkabe a rile, “Eya o taboge go tloga legageng lela ntle fale,” a ka be a e dirile. Gobaneng? Ga go sa na bontši, ga go na monna yo mogolo yo bohlokwa ka Jeremane, mo matšatšing a Manazi, go feta Adolf Hitler a bile. O be a le monna yo mogolo. Gomme o . . . Gomme, a tlhompho, ge a be feela a etela digenerale le banna ba bagolo, eupša šo fa mo lebating la lesole le lennyane! Oo, ka kgontho e ka be e bile tlhompho ye kgolo go yena.

135 Gabotse, bjale, ke eng ka Flagstaff? Re tla e tliša kgauswi go gae. Go ka reng ge morago ga sekgalela se, gore—gore Mopresitente wa rena, Mna. Johnson, L. B. Johnson, go ka reng ge a ka fologa sefofane, ntle fa felotsoko? Gomme bjale bohle re no ba ka gare legoro le letee la batho. Bohle re a diila. Mohlomongwe

o tee o na le mošomo wo monnyane wo mokaone, mohlomongwe ngwako wo monnyane wo mokaone, eupša, morago ga tšohle, re no ba batho. Eupša go ka reng ge a etla tlase go ngwako wa gago tlase fa, mohlomongwe wa go kokobela kudu wa rena, gomme o kokotile go lebati; gomme o ile go lebati, gomme fale go eme Mopresitente L. B. Johnson? Gobaneng, e tla ba tlhompho ye kgolo. O ka no fapana le yena, go dipolitiki. Eupša o tla ba motho yo a hlomphilwego, go ba le Mopresitente wa Dinaga Kopano a eme lebating la gago. Ke wena mang goba ke nna mang? Gomme fale go eme Lyndon Johnson mo lebating la gago! Le ge o ka be o le Lesocialist goba Lerepublican, goba go fapana le yena dimaele tše milione, eupša efela e tla ba tlhompho.

<sup>136</sup> Le tseba eng? Ka gobane gore o be o filwe tlhompho ye, gobaneng, thelebišene e tla e lahlela go sekerini bošegong bjo. Kgontho. Dikuranta tša mosegare gosasa di tla ba le dihlogo go yona, ka fa ka go pampiri ya Flagstaff, gore, “*John Doe*. Mopresitente wa Dinaga Kopano o fofetše ka Flagstaff maabane, go se gwa letelwa, gomme a nno ya tlase, ntle le ebile taletšo, le go kokota” mo lebating la gago. Go kokobela! Mopresitente yola o tla ba le leina la go beng motho wa go kokobela, le ge a le yo mogolo bjalo ka ge a le, go tla go lebati la ka goba la gago; ga se rena bomotho, morago a tla tlase le go bolela le rena.

<sup>137</sup> Gobaneng, o tla sepela go theoga mokgotha, gomme wa re, “Ee, ke nna moisa. Mopresitente o nketetše.”

<sup>138</sup> “Ema tse, a nke ke go hweletše ya gago—go hweletše ya gago phrofaele. Lebelela thwi go nna. Bjale o lebelela bjang ge o sepelela kgole?” O tla ba motho yo bohlokwa. Kgontho.

<sup>139</sup> Go ka reng ge kgošigadi ya Engelane a ka tla, le ge o se ka tlase ga pušo ya gagwe? Eupša e tla ga tlhompho go ba bangwe ba lena basadi go direla kgošigadi ya Engelane, le ge o se ka tlase ga pušo ya gagwe. Eupša, efela ke motho yo mogolo, ke kgošigadi ye kgolokgolo mo lefaseng, mo nakong ye. Ka kgontho, ke yena, ke ka go bolela ka sepolitiki. Eupša ge a go kgopetše thinana ye ye nnyane ye e rilego lebotong la gago, yeo o ilego wa ke wa e beela boleng godimo, o tla mo fa yona. E tla ba tlhompho go wena go e dira. Kgontho, yena ke kgošigadi ya Engelane.

<sup>140</sup> Gomme o tla be o hlomphilwe, ke Mopresitente. Gomme yo mongwe le yo mongwe o tla bolela ka go kokobela ga kgošigadi ya Engelane, a fofela godimo go bona mosaditsoko ka Flagstaff, yo monnyane wa go se be motho. Gomme dipampiri di tla e rwala, le ditaba di tla e tšitlanya.

<sup>141</sup> Eupša, le a tseba, Motho yo bohlokwa kudu wa nako yohle, Jesu Kriste, o kokota lebating la gago. Gomme O rakilwe, kudu go feta dikgoši tšohle le babuši ba kilego ba ba. Yeo ke nnete. Gomme o ka no Mo amogela le go ya ntle le go bolela se sengwe ka yona, lefase la ka ntle le tla go sega sefahlegong sa gago. Ga go ditaba tše di yago go . . .

142 Ke mang a ka tlogo go ntlo ya gago, yo itšego yo mogologolo go feta Jesu Kriste? Ke mang a ka kgonago go kokota mo lebating la gago, yo mogolo go feta Jesu Kriste? Ke mang a kgonago go dira yeo? Morwa wa Modimo, yo a ka go kokota go ntlo ya gago, yo a ka bago bohlokwa kudu? Gomme efela O a kokota, tšatši ka tšatši. Gomme ge ebile o ka Mo amogela, o bitšwa lehlanya. Kafao, le bona ka fao lefase le tsebago ba lona mong? Yeo ke nnete. Eupša A ka se tle ka ntle le ge A bile le lebaka go tla.

143 Gomme a le nagana go kokobela ga Mopresitente Johnson, goba kgošigadi ya Engelane, goba motho e ba ba ofe yo mogolo, ka fao e tlogo pealatšwa, ka ga go kokobela ga motho yola yo bohlokwa mo lebating la gago!

144 Go bjang ka go kokobela ga Morwa wa Modimo? Ke rena bomang eupša badiradibe, ba ditšhila, “re tswaletšwe sebeng, ra kgolokelwa bokgopong, ra tla lefaseng re bolela maaka?” Gomme gona Morwa wa Modimo o tla tla le go kokota lebating la rena.

145 Bjale, kgošigadi ya Engelane a ka go kgopela monyetla. A ka tšea se sengwe go tšwa go wena. Go bjalo go ka ba Mopresitente, a ka go kgopela go dira se sengwe seo o sa nyakago go se dira. A ka no go kgopela lefa leo o sa nyakago go le neela, gomme le le ka se rego selo, feela go yena.

146 Eupša Jesu o tliša se sengwe go wena ge A kokota. O tliša tshwarelo. O se e gane. Ka gore, bjalo ka ge e sekilwe ka go dikgorotsheko tša rena fa, e tla ba bjalo ka go Mmušo wa Legodimo. Ge A kokotile le go tliša tshwarelo, gomme o e ganne, gomme wa hwela dibeng tša gago, o tla senyega; le ge o bile le tlhompho ya go dula ka kopano bjalo ka ye, le ge o bile le tlhompho ya go ba ka go tsošeletšo, goba kereke ya gago, gomme o kwele modiša wa gago a rera molaetša wa Ebangedi. Gomme o bile le batheletši, wa re, “Ee, ke be ke le fao.” Mohlomongwe, wena, go thata go bolela tšohle o ka go di bolela. “Ke kwele moopelo. Ke ipshinne ka ona. Ke kwele mabopaki. Go be go le kgontho.” Eupša O e ganne.

147 Go ka reng ge lesogana le hweditše mothepana; o be a le botse, o be a le Mokriste? A ka dira . . . O be a le ye nngwe le ye nngwe seny- . . . [Ga go selo lefelong la theipi—Mor.] Ga o kgone go hwetša bosodi ka Lona, eupša o swanetše go beela ka thoko metlwaie ya motho. O re, “Oo, ke a dumela Leo ke nnete. Ke a bona, ke beile go . . .” Eupša o swanetše go Le amogela. Wena . . . Kagona mosadi yola o ba karolo ya ka. Kagona o ba karolo ya Lentšu, e lego Monyalwa. Ge A le Lentšu, Monyalwa o tla ba Monyalwa Lentšu. Le a bona, ka kgontho o tla ba! Le a bona, o swanetše go Le amogela. O ka . . . O ka kgona go bolela se o nyakago, o ka kgona go ikgantšha ka Mopresitente; eupša ka mehla ge nako ya Jesu e etla go lebati la gago, re no Mo gafela ka thoko. Le a bona, feela re no se nyake selo go dira le Yena. Re re, “Gabotse, letšatši tsoko le lengwe.”



148 Go ka reng ge o kokotile lebating la yo mongwe? Bjale a re no retollang seswantšho thwi go dikologa lebaka la motsotso. Go ka reng ge o ile gomme wa kokota mo lebating la yo mongwe, gomme o be o ba swaretše se sengwe? Gomme, morago ga tšohle, ba be ba le go wena e ka ba bjalo o ka bago go Modimo; gabotse, ge o dira, gobaneng, go lokile, eupša ga o ne selo go kgokagana. Kafao ge o kokotile lebating la yo mongwe, gomme ba hlodimetše ntle ga lefasetere, gomme ba tswalela garetene; goba ba tla go lebatl, gomme ba re, “Nako tsoko ye nngwe!”

“Gabotse, ke tla rata . . .”

149 “Ga ke ne nako mosong wo!” Le a tseba se le se dirago? Ka kgonagalo selo sa go swana nka go se dira, le ka moka ga bona, o ka se boele morago le neng.

150 Eupša e sego Jesu. “Ke eme, le go kokota,” go kgafetšakgafetša a kokota. [Ngwanešu Branham o tšwelapele go kokota go se sengwe—Mor.] Le a bona? “Yoo a nyakago,” e sego go nyaka. “Nyakago! Yoo a kokotago!” Go kokota, go kokota ke tšwetšopele, kokotago! Le a bona, “Yoo a nyakago, yoo a kokotago, go tla . . .” E sego feela . . .

151 Bjalo ka seswantšho sa moahlodi ya go se loke. Mosadi o ile gomme a nyaka go lefeletšwa, go itefeletša, eupša ga se a kgona go e hwetša. Yena . . . Kgafetšakgafetša o kokotile le go kgopela. Gomme o rile . . . “Feela go ikhutša yena, ke tla lefeletša lenaba la gagwe.”

152 Go kaakang go tla dirago Tate wa Legodimong? Le a bona, go swanetše go ba rena re kokotago lebating la Gagwe. Go swanetše go ka be go bile Adama a kitima godimo le tlase serapeng, a goeletša, “Tate! Tate, O go kae?” Eupša sebakeng, sebakeng sa seo, go bile Modimo a kitima godimo le tlase serapeng, “Morwa! Morwa, o go kae?” Le a bona, seo se no pealatša se re lego. Ka mehla re a khuta, sebakeng sa go tla thwi ka ntle le go ipolela yona. Re leka go kitima, go khuta ka morago ga se sengwe. Seo e no ba tlhago ya motho, re na le yona ka tsela yeo. Ee, mohlomphegi.

153 O ka fa batho tše kaonekaone o nago, se sengwe le se sengwe. Eupša o ka se, o—o—o ka se amogele Jesu. Ga ke re wena, eupša ke ra batho fa.

154 Goba mohlomongwe o ka bolela se, o ka re, “Moreri, ke dirile feela seo. Ke—ke butše feela pelo ya ka le go dumelela Jesu go tla ka gare. Ke dirile seo mengwaga ye lesome ya go feta. Ke dirile seo mengwaga ye masomepedi ya go feta.” Gabotse, seo se ka no ba nnete tlwa, eupša a seo ke sohle o se dirilego? Le a bona?

155 Ke nyaka go le botšiša bjale. Ge le ka mema e ka ba mang ka ntlong ya gago, gomme morago ge o tsena ka gare ga lebatl. . . Yo mongwe o go laleditše ka gare, a ke re, o re, “Tsena ka gare.”

156 “Ee, ke na le morero, ke tla ya ka ntle ga toropo le go hlomphiwa, o a bona.” Yeo ke tsela boati bja batho ba amogela Kriste. “Ke tla . . . Ke—ke wa kereke. Ke wa lefelo le legolo le *Lebjangbjang* tlase fa, moo Ngaka Ph. LL. a lego, o a tseba. Gomme ke kereke ye kgolokgolo. Ratoropo o ya fale, le se sengwe le se sengwe, o a tseba. Ke—ke wa kereke yela.” Ba Mo dumelela ka gare, feela bontši bjoo. “Ya, ke tla Mo amogela,” le a bona, bakeng sa go ikhola.

157 Eupša ke eng gona ge Jesu a etla ka pelong ya gago? Batho ba bantši ba a Mo amogela ka gobane ga ba nyake go ya heleng. Eupša ge Jesu a etla ka pelong ya gago, O nyaka go ba Morena. E sego feela Mophološi, eupša Morena, gape. *Morena* ke “bobuši.” O tla ka gare go—go thopa.

Bjale o re, “A yeo ke nnete, Ngwanešu Branham?” Kgontho.

158 Go ka reng—reng ge ke go laleditše go ntlo ya ka, gomme o tsena ka gare ga lebati? Gomme o kokotile mo lebating, gomme o lebeletše ka ntle, ke rile, “Ee, tsena ka gare. Ge o ka nthuša, gabotse, o dira bjalo. Eupša bjale, ge o tsena ka gare bjale, ga ke nyake o tsenatsena ka ntlong ya ka. O ema thwi fao mo lebating!”

159 Elelwa, sehlogo sa rena ke “mabati” ka gare ga lebati. Bjale, ka gare ga pelo ya motho go na le mabati a mantši a mannyane, gomme ona mabati a mannyane a khupetša boati bja dilo. Go no Mo dumelela ka gare, seo ga se sohle sa yona, ge a tsena ka gare.

160 Ge ke tsena ka ntlong ya gago, ge o nkamogela mo lebating, gobaneng, ge o ka re, “Tsena ka gare, Ngwanešu Branham. Ke thakgetše bjang go go bona!”

161 Ke tla re, “Gabotse, ke monyetla go nna go tsena ka ntlong ya gago!”

162 “Oo, a o ka se tle godimo le go dula fale? Ngwanešu Branham, sepela gohle ntlong ya rena, itire wenamong go ba gae!” Oo, nna!

163 Ke tla ya godimo go setšidifatši, ka ikhweletša e tee ya disangwetše tšela tše kgolo, e ka ba ka mokgwa *woo*, ka hlobola dieta tša ka, gomme ka ya phapošiborobalelo le go patlama. Gomme ke tla no ba le mo—mo mogobo wo mogolo wa mogodu, le a bona. Gobaneng? Ka gobane ke ikwela go amogelwa. O ntirile ke amogelwe. Kagona nka e thabela ge o ka ntira go amogelwa.

164 Eupša ge ke ile ka ntlong ya gago, gomme o mpoditše, “O ema fao mo lebating, bjale, o se ye go tsenatsena!” Nka se ikwele go amogelwa. A o ka? Aowa, le a bona, o ka se ikwele go amogelwa. Yo mongwe o go laleditše ka gare, gomme o rile, “Bjale ema! Ya, tsena ka gare, eupša ema fale thwi!”

165 Bjale, go na le lebati le lennyane ge o tsena ka go pelo ya motho. Re tla bolela ka tše mmalwa tša ona, le a bona. Ga re ne nako go ya go kgabola mabati a ka moka, ka gobane go na le

bontši bja ona. Le a bona? Eupša, a ke re, metsotso ye lesome e latelago, a re boleleng ka a mmalwa, mabati a mararo.

<sup>166</sup> Bjale, ka go lehlakore la seatla le letona la pelo ya motho, ge o tsena ka go lebati, go na le lebati le lennyane ka lehlakoreng le letona, gomme leo le bitšwago, ka fale, lebati la boikgogomošo. Oo, nna! “O se ke wa sepela go tsena ka go lebati lela!” Ga ba nyake Morena ka fale, go lebati lela, leo ke boikgogomošo. “Ke nna madi a bolou. Ke a laola! Oo, ee, bjale lebelela, ke a go botša, ke—ke. . .” Le a bona, ke boikgogomošo. “O se tsenatsene ka fale!” Bjale, A ka se ikwele go amogelwa ge feela o beile lebati lela la boikgogomošo le tswaletšwe.

<sup>167</sup> O swanetše go go goboša. Le a bona, seo ke se A se tletšego. “O ra go mpotša ke swanetše go ya tlase fale le—le go itshwara bjalo ka moka ga bona?” Gabotse, ga se o swanelo go, seo ke selo se setee kgonthe. “Gabotse, ke tla go botša, o nagana ke tla dira eng ge ke ile khanseleng ya kgwebo nako ya go latela? Ke tla dira eng ge nka kopana le mongmošomo wa ka—wa ka gosasa? Gomme woo, ke tla swanela go hwetša Moya wola go nna, gomme ke tla tabogela godimo fale, ka bogareng bja mošomo wa ka, gomme ka ya go bolela ka maleme, oo, seo se tla nkgoboša. Aowa, eba ka ntle ga fale!”

<sup>168</sup> Le a bona, ke lena bao, le a bona. Ya, o tla dumelela Jesu ka gare, o tla tšoenana kereke le go bea leina la gago godimo, wa amogela Jesu bjalo ka Mophološi wa gago; eupša go reng ka ga go beng Morena wa gago, ge A na le taolo ka go tlala? Ge A le Morena, O na le yona yohle, ke ya Gagwe, wena, o ineetše ka go tlala go Yena bjale.

<sup>169</sup> Eupša boikgogomošo bjola bjo bonnyane. “Oo, o ra gore, go rena basadi, re ya go swanela go tlogela moriri wa rena o gole?” Gabotse, seo ke se A se boletšego. “Re ya go swanela go tlogela go apara manekhure, goba dilo tša meikapo?” Seo ke se A se boletšego. “Gabotse, o nagana gore dithaka tša ka tša go roka e tla bang? Ba tla mpitša wa fešene ya kgale.” Gabotse, nno boloka boikgogomošo bja gago. E ya pele. O tla ema lebating, bjoo ke bokgole A ka kgonago go fihla.

<sup>170</sup> Eupša ge o le komana go bula lebati leo, go Mo dumelela go tsena, O tla e hlwekiša go tšwa go wena. Dišothi di tla ya ntle fa ka go kotikoti ya ditlakala, le meikapo o tla ya morago go kotikoti ya ditlakala, le mokoti o tla bolawa ke tlala ge feela a kota moriri wa basadi, go modumedi wa kgonthe.

<sup>171</sup> Bjale o re, “Seo ga se!” Oo, ee, se a dira, le sona. Seo ke se Beibele e se boletšego. Yeo ke nnete. Le a bona, go na le lentšu le lennyane fale, leo o sa nyakego A tsenatsena.

“Gabotse, modiša wa ka!”

<sup>172</sup> Ga ke kgathale se modiša a se boletšego. Seo ke se Beibele e se boletšego, “Ke dihlong go mosadi go dira bjalo.”

173 “Gabotse,” o re, “re swanetše go ithuta dilo, Ngwanešu Branham, ke ka fao re hwetšago Moya wo Mokgethwa, le go ba se, seo bjang.” O ya go ithuta bjang dipalo ge o sa tsebe diABC tša gago? Ga o tsebe ebile go dira bjang, go itshwara bjalo ka, go bonala bjalo ka yo motee, go apara bjalo ka yo motee. Ke dihlong go bona basadi ba mo mokgotheng lehono.

174 Ke ile ka go lefelo maabane, ge, oo, kenke ye nngwe ya go fapoga e tsene ka gare. Bona, banna ba bile le meriri ka mahlong a bona, e theogetše fase gomme e lekeletše tlase mokokotlong wa bona, gomme bjalo ka diaparo tša go lekelela, bjalo ka digotlane tše nnyane di apara go ya sekolong, ka dieta tše kgolo tša kgale ba di apare, molomo o bulegile seripa. O kgona go bolela ba be ba le batšwataolong. Gomme ba sepeletše ka fale ka mokgwa woo, ba re, “Re Mafora.”

175 Ke mang ka lefaseng a ka thwalago monna boka yola ka go kgwebo ya gagwe? Ba dira bjang tša boiphedišo? Gomme ke bone bašemane ba mmalwa ba kgonthe ba dutše godimo fale. . . Ba tšwa go yunibesithi yela tlase fale, boramiriri ba dirile, goba ke a dumela ba ipitša bonabeng *dikhunkhwane* goba *dikhunkhwanyane*, goba se sengwe go swana le seo, se sengwe sa selo se etšwa Engellane. Gomme ka fale ka mokgwa wola, ke mang a ka go thwala monna go swana le yola go mo šomela? A o ka bea monna go swana le yola ka go kgwebo ya gago, lena borakgwebo? Ge le ka dira, ke lena, go na le se sengwe, ga se o šo wa be wa fihla kgauswi le Sefapano go lekanela.

176 Lebelela basadi ba ntle mo mokgotheng, gomme ke kgobogo! Mohlomongwe basadi ba bannyane ba go se lemoge ba apere diaparo tše tše dinnyane nthatana, le a bona, gabotse, ke kgobogo, ka tsela ye ba bogegago. Gabotse, o re, “Gobaneng, mosadi, o dira bootswa.”

177 Ba re, “Ema motsotso fa, lesogana! Ke no ba bokwala bjalo ka ge ke. . .” Seo se ka no ba bjalo, ka go menagano ya gago mong. Gomme go ka no ba bjalo, go netefaditšwe ebile ke tlhahlobo ya dihlare, gore o ka no be.

178 Eupša, elelwa, mo Letšatšing la Kahlolo, o ya go arabela bakeng sa go dira bootswa. Jesu o rile, “Mang le mang a lebeletšego go mosadi go mo kganyoga o šetše a dirile bootswa le ka pelong ya gagwe,” gomme o ipapaditše wenamong go yena. Le bona ka fao diabololo a ba fougaditšego? Ke kgobogo. Ke dihlong. Le a bona, ba—ba na le moya. Ke moya woo o dirago seo. Ke moya wa go se hlweke.

179 Eupša Moya wo Mokgethwa wa mmalwa o tla dira mosadi go apara gabotse le go lebeba bokgethwa.

180 Mosadi wa ka o rile go nna, nako ye nngwe. Re be re eya go theoga mokgotha, gomme ra hwetša mosadi a apere roko, morago ka nageng ya rena. E be e le selo sa go tlaba kudu, le a bona, ga go na Mapentecostal a mantši kudu morago fale. Kafao, re

hweditše o be a apere roko. Gomme o rile, “Billy,” o rile, “ke tseba ba bangwe ba bona basadi. Ba opela ka go dikhwaere fa ka go dikereke tše.”

Ke rile, “Kgonthe.”

O rile, “Gabotse, gomme bona ba tleleima go ba Bakriste?”

Ke rile, “Hani, lebelela. Bona, ga re . . .”

O rile, “Gobaneng go dira batho ba rena?”

Ke rile, “Lebelela, hani, ga se rena ba mohlobo wa bona—wa bona le gannyane.”

O rile, “Eng?” O rile, “Bona ke Maamerika.”

Ke rile, “Ya, eupša ga re bona.”

O rile, “Ga re bona?”

Ke rile, “Aowa.”

<sup>181</sup> Ke rile, “Ge ke eya ka Jeremane, ke hwetša moya wa Jeremane. Ge ke ile ka Finland . . .” Ka go mohlapišo godimo fale, ba bantši ba lena Mafinnish le a tseba, basadi ba hlapiša banna. Kafao, woo e no ba moya wa Bofinnish. Batho ba bakaone ba bagolo, eupša, le hwetša, e ka ba kae o yago, o hwetša moya wa bosetšhaba.

<sup>182</sup> O ya ka go kereke gomme šetša modiša, ge ka kgonthe a le lebelele le go ya pele, phuthego e tla ba go swana. Le a bona? Ba tšea moya wa bona seng go e na le Moya wo Mokgethwa.

<sup>183</sup> Ke ka lebaka leo re nago le thuto ye ntši kudu ya go fapoga ya Beibele. Sebakeng sa go bowa morago go polane, ba tšere moya wa kereke tsoko ya leina. Le a bona? Eupša Lentšu le no ba go se tsebje go bona bjalo ka ge Le bile mo matsatšing ge Jesu a tšwelela, go tsebagatša Ebangedi ya therešo ya kgonthe. Ba rile, “Yena ke diabololo. Yena ke Beletsebulu.” Le a bona? Eupša fao le a e hwetša.

<sup>184</sup> Gomme o rile, “Gabotse, gona, ga se re na Maamerika, ke renang?”

<sup>185</sup> Ke rile, “Mmušo wa rena ke wa Godimo.” Le a bona, re lokologile, re tswetšwe gape. Mmušo wa Modimo o ka teng ga lena. Le a bona, itshware go swana le godimo Fale, wena o moemedi go tšwa Fale. Ke rile, “Re badudi fa, re phela fa ka nameng. Eupša, meboya ya rena, re baeti le basetsebje.” Rena re ba šele go lefase bjale, ebile le setšhaba sa gešu, ka gore re amogetše taletšo ge a kokotile pelong tša rena, go ba karolo ya Gagwe, Lentšu la Gagwe. Gomme Lentšu le a re lokiša, le re dira re phele le go re dira re itshware bjalo ka Bakriste.

<sup>186</sup> Nako ye nngwe ya go feta, ka Borwa, kanego ye nnyane. Go bile le kgoši. . . goba, moreki. Ba rekišitše makgoba. Yeo e be e le mo nakong ya—ya kgethologanyo, gomme ba bile le makgoba ka Borwa. Ba be ba le. . . Ba be ba eya go feta le go ba reka, go no swana o ka dira koloi ya kgale, go tšwa go bontši.

<sup>187</sup> Bjale, ke nna mohlakantšhi, ka therešo...ke ra mokgethologanyi. Ke nna mokgethologanyi. Ka gobane, ga ke kgathale ba nganga kudu gakaakang, o ka se be Mokriste gomme wa ba mohlakantšhi. Seo e no ba nnete tlwa. Modimo ebile o aroganya ditšhaba tša Gagwe. O aroganya batho ba Gagwe. “Etšwang makgatheng a bona!” Yena ke...Yena ke mokgethologanyi. “Ebile le se ke...Le se sware dilo tša bona tša go se hlweke!” O gogetše Israele, mohlobo wola wa Bajuda, ntle ga wo mongwe le wo mongwe, yohle mehlobo ya lefase. Yena ke mokgethologanyi.

<sup>188</sup> Eupša ga ke dumele gore motho e ka ba ofe a be lekgoba. Modimo o dirile motho; motho o dirile makgoba. Ga ke dumele yo mongwe o swanetše go laola yo mongwe, morafe e ka ba Ofe, mmala, goba e ka ba eng.

<sup>189</sup> Eupša go na le kgethollo, Monyalwa wa Kriste o kgetholotšwe go tšwa go dikereke ka moka, gomme seo ke nnete tlwa: kereke ya tlhago, le Kereke ya semoya; kereke ya senama, Kereke Lentšu. Ka mehla go bile. “Jesu o tšile go ba Gagwe mong, ba Gagwe mong ga se ba Mo amogela; eupša ka bontši bao ba Mo amogetšego!”

<sup>190</sup> Kafao yo, go be go fela go eba bareki, diprokhara di ya go reka makgoba a. Nako ye nngwe go bile le yo mongwe a etla go polasa ye kgolo, gomme o ba šeditše. Makgoba ba be ba bethwa gabohloko, le se sengwe le se sengwe, le a tseba. Ka mehla ba be ba le kgole le gae; ba be ba ka se tsoge ba boetše gape. Maburu, Maholanere, ba be ba ile godimo le go ba swara, ba ba tliša fa le go ba rekiša. Gomme ba be ba ka se tsoge ba bone papa gape, mama gape, ba ka se tsoge ba bone masea a bona gape. Ba be ba ba tswadišanya go yo mongwe; ba hlaotše monna wa senatla, ba mo tswadišanya le mosadi wa senatla, kgole le mosadi wa gagwe mong, go dira makgoba a magologolo. Oo, Modimo o tla ba dira ba arabele bakeng sa seo letšatši le lengwe! Yeo ke nnete. Yeo ga se nnete.

<sup>191</sup> Go swana le Abraham Lincoln a boletše nako ye nngwe, ge a fologile sekepe fale ka New Orleans, a rola kefa ya gagwe ya phaephe ya setofo...

<sup>192</sup> O bone manikro a mannyane a mararo goba a mane, ba theogela tlase, ba eme fale ba se ba rwala dieta, moo ba ilego... Kgomo e be e robetše gomme ya tloša—tloša lehlwa go tloga mobung, ba be ba eme morago ga go gapela dikgomo. Maoto a bona a mannyane a thuntše, a etšwa madi. Ba be ba opela, “O rwele dieta, ke rwele dieta, gomme bohle bana ba Modimo ba rwele dieta.”

<sup>193</sup> Ge a fologile sekepe tlase fale, o sepeletše godimo go lešaka la poo, go be go na le lenikro le legolo la senatla le eme godimo fale, a mo otlala ka sefepi, a leka pelo ya gagwe. Gomme a mo kitimiša godimo le fase ga mokgotha, ka sefepi ka morago ga

gagwe; morago a hlole pelo ya gagwe, a bone ge eba o be a lokile. Mosadi wa gagwe yo monnyane wa go šokiša a eme fale, digotlane tše pedi goba tše tharo ka tlase ga matsogo a gagwe ka mokgwa *wola*; go mo rekiša, go mo tswadišanya go mosadi yo mogologolo. Mokgalabje Abraham Lincoln o phathekgile lela ka tlase ga kefa ya gagwe. . . kefa ya gagwe ka tlase ga letsogo la gagwe, ka mokgwa *wola*, gomme a betha kefa ya gagwe, o rile, “Yeo ke phošo! Gomme letšatši le lengwe ke tla betha sela, ge go ka ntšea bophelo bja ka.” Gomme mošola, ka go mosiamo ka Chicago, go letše seaparo le madi go sona, ao a lokolotšego lenikro lela go tšwa go sela.

<sup>194</sup> Gomme ke bolela gore sebe seo le dilo ke phošo! Modimo a nthuše go se betha, le bohle badiredi ba Ebangedi. Re belegwe re hunologile, bana ba Modimo. Ga re na taba bakeng sa thutotaelo le setlwaedi go re hlahlela ka go Khansele ya Lefase ya dikereke. Re motho yo a belegwego a hunologile, ka go Moya wo Mokgethwa. Re na le tokelo. Re tšwa ka go selo se se bjalo ka sela, go ba pentacostal. Yeo ke nnete. Bjale re hunologile. Ga ra swanela go tlemelwa fase go dilo tše gape.

<sup>195</sup> Eupša moreki yo o rile, a lebeletše go kgabaganya makgoba a gagwe, lekgolo goba se sengwe, la bona, ka go polasa ye kgolo, o rile, “E re!” Moisa yo mongwe yo monnyane fale, ba be ba se ba swanela go mo otlala ka sefepi; dikgara tša gagwe di tšwile, gomme seledu sa gagwe godimo, thwi godimo ga mošomo! O rile, “E re! Ke nyaka go mo reka.”

<sup>196</sup> O rile, “Oo, aowa!” Mong o rile, “Ga a rekišwe. Huh-uh.”

O rile, “Gabotse, a ke yena lekgoba?”

O rile, “Ya.”

<sup>197</sup> O rile, “Gabotse, ke eng e mo dirago go fapana bjalo?” O rile, “A o mo fepa go fapana?”

O rile, “Aowa, bohle ba ja ntle fale ka go mokgopong, mmogo.”

O rile, “A ke yena molaodi godimo ga bona?”

O rile, “Aowa, o no ba lekgoba.”

“Gabotse,” o rile, “ke eng e mo dirago go fapana?”

<sup>198</sup> O rile, “O a tseba, ke maketše seo, nnamong. Eupša,” o rile, “o a tseba, mošola ka go nagalegae moo ba tšwago gona, ka Afrika, tate wa mošemane yola ke kgoši ya morafe. Gomme le ge a le o šele, o itshwara bjalo ka morwa wa kgoši.”

<sup>199</sup> Oo, ke naganne, a selo go Bokriste! Basadi, emišang gola go apara tšona diaparo go swana le tšeo! Banna, emišang gola go ba anegeleng metlae ya maraga le dilo tšela tšohle! Re barwa le barwedi ba Kgoši. Aparo bjalo ka kgošigadi, apara bjalo ka mo—mo mohumagadi. Itshware bjalo ka mokgomana, se tlogele moriri wa gago o golela tlase ka tsela *ye*. Beibele e rile, “Ke phošo (tlhago e a go ruta) go monna go ba le moriri wo motelele.

Gomme ke kgobogo le selo sa go nyatšega go ebile mosadi go rapela ka moriri wa gagwe o kotilwe.” Gomme go ka reng ka tše? “Ke—ke makgapha go mosadi go apara diaparo tša go swana le tša monna.” Modimo yo mogolo wa go se fetoge ga a fetoge. Eupša efela lehono go no ba go hlepha bjalo ka setšhaba sa rena ka moka se le. Dihlong! A re itshwareng bjalo ka barwa le barwedi ba Modimo. A re pheleng bjalo ka yona. Rena re, rena re barwa ba Kgoši. Rena re. Rena re. Gonabjale sehlopha se sa tlhakatlhakano le lerole le ditšhila, tikologong fa, batho ba ipitša bonabeng “Bakriste” gomme ba sa itshwara ka mokgwa wola!

<sup>200</sup> Eupša elelwang, re bile le go kokota letšatši le lengwe, gomme ra Mmulela ka gare, boikgogomošo le tšohle di sepetše. Amene. Ga ke kgathale se ba mpitšago!

Oo, ke a thanka ke no ba yo monnyane wa  
fešene ya kgale,  
Eupša Mophološi wa ka o be a le wa fešene ya  
kgale, le yena.

<sup>201</sup> A yeo ke nnete? Le kwele koša. E ba wa fešene ya kgale! Se leke go ekiša ka morago ga yo mongwe gape. Yena ke Mohlala wa gago. Leka go ba bjalo ka Yena, gomme Moya ka go wena o tla go thuša go dira seo. Dira bophelo bja gago go swana le bja Gagwe.

<sup>202</sup> Ya, go na le lebati fale. Ke nyaka go bitša lebati le lengwe. Ke tatagana kudu. Go na le lebati le lengwe fale, feela hleng le lebati lela, go yeng ka go lehlakore le letona la seatla, gomme lebati lela ke lebati go ya go bophelo bja gago bja sephiri. Oo! Oo, ga o Mo nyake a tsenatsena le lela. “Bjale, ge ke nyaka go ya ntle go phathi ya khoktheile, ke eng go Wena? Ke kereke efe e yago go mpotša se ke yago go se dira?” Uh-huh, ke lena bao, le a bona. “Ya lesome ya mogolo wa ka? Ke mang a yago go mpotša ke dire eng? Bjo ke bophelo bja ka bja sephiri! Ke dira tšhelete ye. Ke na le bophelo bja ka mong. Ke tla apara dišothi ge ke nyaka. Yeo ke tokelo ya ka mong ya Moamerika.” Yeo ke therešo. Kgontho. Nnete.

<sup>203</sup> Eupša ge o le kwana gomme o sego pudi, le a bona, dikwana ke tše A di nyakago. Ba tla aroganywa letšatši le lengwe.

<sup>204</sup> Nku e na le wulu. Se ke selo se nnoši e nago. Gomme ga e kgone go bopa wulu yela. Ga ra kgopelwa go bopa kenywa ya Moya, eupša go *tšweletša* kenywa ya Moya. Gomme ge feela e le nku, e tla tšweletša. Ga se e swanele go bopa. Dithatana le se sengwe le se sengwe ka go yona ke nku, e tla dira wulu ka gobane bokagare bja gagwe bo na le dithatana le aterenaline le selo se tšego go dira wulu.

<sup>205</sup> Gomme ge o le Mokriste, o tla sepedišana le Lentšu. Ga ke kgathale se e ka ba mang gape a se bolelago. Ga se o swanele go itiriša selo, le go tšweletša lefeela, go goga, go pompa godimo.



Wena o Mokriste. O no tšweletša kenywa ya Moya ka bowena. Le a bona? Le a bona, gomme yeo ke tsela e lego. Le a bona?

206 Eupša, batho lehono, ga ba nyake o tsenatsena bophelo bja bona bja sephiri.

207 Selo se nnoši o se dirago, nno bula lebati le lengwe le le lengwe tikologong, bjale e re, “Etle pele ka gare, Jesu.” Šetša se se diregago. Ge o bona ka Pukung, o swanetše go dira se, o tla se dira. Gobaneng? Wena o nku, le go thoma, nako yeo.

208 Eupša ge o no nyaka go dula, go Mmea mo lebating, nno re, “Ke tšoenne kereke. Ke no ba go loka bjalo ka ge ke le. Le a bona, ke amogetše Kriste.” Mohlomongwe seo e no ba se o se dirilego. Eupša a o Mo dirile *Morena*? Le a bona?

209 Bjale, *Morena* a ka se kgone go bea fase Puku ya melao gomme a bolela Lentšu, gomme a tla go retologa le go E gana. Gomme ge o re o na le Moya wo Mokgethwa, gomme Beibele e bolela selo se sengwe go dira, gomme o re, “Oo, ga ke dumele *Seo*.” O no elelwa, moya wola ka go wena ga se Moya wo Mokgethwa, ka gobane A ka se kgone go ikgana Yenamong. Yeo ke nnete. A ka se kgone go ikgana Yenamong. O ngwadile Lentšu, gomme O šeditše godimo ga Lona, go Le diragatša. Le a bona? Kafao ga se o Mokgethwa . . .

210 Ke moya, go lokile. O ka no ba mo—mo moya wa kereke. O ka no ba moya wa modiša. O ka no ba moya wa lefase. O ka no ba. Ga ke tsebe se o lego sona, eupša, e ka ba eng o lego, o ka no ba moya wa kereke ya leina, “Ke Momethodist. Ke Mobaptist. Ke Mopresbyterian. Ke Mopentecostal. Ke nna se.” Yeo ke Pentecost.

211 Bjale elelwang, a nke ke e otlolle; pentecost ga se mokgatlo, pentecost ke boitemogelo bjoo o bo amogelago. Lena Mamethodist, Mabaptist, Makatoliki, le bohle, le ka itemogela pentecost. Le ka se kgone go tšoenne pentecost, gobane ga go ne tsela go e tšoenne.

212 Ke bile ka go lapa la Branham sebaka sa mengwaga ye masometlhano tlhano. Le a tseba, ga se nke ba ke ba nkgopela go ba wa ga Branham. Ke belegwe, wa ga Branham.

213 Gomme ke ka fao o lego Mokriste, o belegwe Mokriste. Yeo ke nnete, bjale.

214 Oo, bophelo bjola bja sephiri! “Oo, ke a go botša, modiša wa ka o ya go ditantshi tše, gomme re dira momenekano. Ba na le wona.” Go lokile. Le a bona? “O se ke wa tla go mpotša se nka go se dira le se nka go se se dire.” Go lokile, le a bona, o ka se Mo dumelele ka gare.

215 Nno Mo dumelele ka gare nako ye nngwe, gomme morago eya morago go momenekano goba rokenrole, goba e ka ba eng o yago go e dira, bona se o ka go se dira. O ka se kgone go e dira.

Mo dumelele ka gare nako ye nngwe, gomme morago thoma go apara para ya dišothi, ba bangwe ba lena basadi.

216 Ke a tseba ke le tšea nako ye telele, eupša ke nyaka go bolela se sengwe kudu, ge go lokile, ka go mokgwa wo.

217 Ke a eleletša, kopano ye kgolokgolo Morena a kilego a ntumelela go e swara bakeng sa Gagwe e bile ka Bombay, moo ke bilego le e ka ba dikete tše makgolotlhano, eupša, le makgolopedi le metšo ya dikete ka—ka Afrika, Durban, kua go lebala la mokato. Morago ga sekgalela seo, ke rile, ka morago ga ge ba bone selo sela se segolo sa go thakgatša seo Morena wa rena wa mogau a theogilego le go se dira, ke rile, “Baromiwa ba le rutile Lentšu, eupša Lentšu le phedišitšwe le go dirwa go phela. Se A se boletšego se tlile bophelong.” Gomme—gomme morago ge go bile le diphodišo tše dikete tše masomepeditlhano di direga ka nako e tee, gomme mokgobo ka morago ga mokgobo wa ditulo tša kgale tša go loka fale; feela thapelo e tee ye bonolo, ba be ba bone Moya wo Mokgethwa o nno. . . Batho bale bao ba sa tsebago ebile se ba bego ba le sona le moo ba tšwago gona, seo ke sohle ba nyakilego go se bona. Le a bona?

218 Gomme ke ba botšišitše, “Ke ba bakae ba nyakago go amogela Kriste?” Go bile le dikete tše masometharo ba emego ka maoto a bona, bathobasetlogo ba batala, ba rwele medingwana.

219 Ngaka Bosworth, Ngaka Baxter le bona, ba thoma go lla. Gomme Ngwanešu Bosworth o kitimetše godimo, o rile—o rile, “Ngwanešu Branham, le ke le tšatši la gago la go hlomamišwa.”

220 Ngwanešu Baxter o rile, “Ngwanešu Branham, ke a makala, ke a nagana ba ra phodišo ya tlhago.”

221 Mošemane yola o be a le godimo ga matsogo a gagwe le matolo. Gomme Moya wo Mokgethwa o mmoditše moo a tšwago gona, se se diregilego, o rile, “O tla bolela. Nagana ka ngwaneno, a ka ba seripa sa maele morago fale. O be a nametše pudi ye serolwana, gomme o gobaditše leoto la gagwe.” Ke rile, “Eupša, GO RIALO MORENA, o fodile.” Mošemane šo o a tla, ka dikota ka diatleng tša gagwe, ka mokgwa *wola*. Gomme go ba tšea e ka ba metsotso ye masomepedi go sešole go ba homotša.

222 Morago mošemane yo, godimo ga diatla le maoto a gagwe, ka mokgwa *wola*, tlase, o be ebile a sa kgone go tsoa, a ponoka. Oo, nna, selo sa go šiiša bjalo! O naganne o be a etla godimo fale go baeti, le a tseba, mohuta wa go dira mo—mo motantsho wa lesodi. Gomme ke tšere ketane le go e šikinya. Ke rile, “Ge nka kgona go thuša sebopša sela sa go šokiša, gomme ka se e dire, ke tla ba. . . Nka se lokele go ema morago fa. Eupša,” ke rile, “nka se kgone go mo thuša. Eupša bjale ke na le mpho ye nnyane, nka no e gogela ka go kere, e ka ba eng Morena a bolelago.”

223 Gomme ge Morena a bontšhitše, a mmoditše o be a le mang, o rile, “Mmagwe le tatagwe o dutše ntle ka fale, bona ke Mazulu.” Gomme ke rile, “Bona ke ba basese, go se tlwaelege.” Mozulu a ka

lekanela boima bja makgolo tharo, ka motho. Kafafo morago ke rile, “Ga ba tlwaelega. Eupša mošemane yo o belegwe ka go lapa la Bokriste, ka gobane godimo ga sa gagwe. . . lehlakore la seatla sa gagwe se setona, ge o tsena lebating, go na le seswantšho sa Kriste, ka go ntlo ye nnyane ya bjang.” Gomme seo e be e le nnete tlwa. Mmagwe le tatagwe ba phagamile. “Gomme *leo* ke leina la gagwe.” Yoo ke yo a bego a le, le se sengwe le se sengwe. Ga se ba kgone go kwešiša. Ke lebeletše morago gomme ke mmone a eme, ka ponong fale, feela ka go otlologa bjalo ka ge a kgonne go ba. Ga se nke a ke a tsoga, mo bophelong bja gagwe, o belegwe ka mokgwa wola. Ke rile, “Morena Jesu o a mo fodiša.”

224 Ebile o be a se ka go monagano wa gagwe wa maleba, a leka go ya, “uh, ba, ba, ba,” ka mokgwa wola.

225 Gomme ke swere ketane, le go e šikinya ka mokgwa *wola*. Ke rile, “Jesu Kriste, morwa, o a go fodiša. Emelela ka maoto a gago.” Fale o phagametše godimo. Dikeledi di kitimela fase, le go tloga go dimpa tša gagwe tše ntsho, ge a theogela tlase ka mokgwa wola. Ke bone bathobasetlogo ba batala ba dikete tše masometharo ba neela dipelo tša bona go Jesu Kriste.

226 Ge ke le ka go Kiwanis Club, ke rile bjale. . . Gomme ba mpotša ke be ke “eya go ba mopshikologimokgethwa” ge ke tlogetše kereke ya Baptist, gore ke kgone go kopanela le batho bohle. Ba rile, “Gabotse, o tla ba mopshikologimokgethwa,” ke dutše. Sehlopha sa baena ba ka ba Baptist ba boletše. Ke rile, “Le rometše baromiwa ka fale, sebakeng sa moragorago mengwaga ye legkolo le masometlhano, ke ba hweditše eng? Ba sa rwele medingwana.” Ke rile, “Eupša maatla a tsogo ya Jesu Kriste, dikete tše masometharo ba amogetše Kriste ka nako e tee.”

227 Bjale ke nyaka go re go lena basadi, le tseba se se diregilego go bona basadi? Ke rile, “Thwi go mabala moo le emego, Moya wo Mokgethwa o tla le tlatša.” Gomme ge ba phagamišitše diatla tša bona go amogela Kriste bjalo ka Mophološi wa bona, gomme ge ba sepeletše kgole go tloga fale; ba ponoka, bjale, go se selo eupša feela lenkgeretlana le lennyane, lešelana, ka pele. Gomme ge ba sepeletše kgole go tloga fale, ba phuthile matsogo a bona ka tsela *ye*, ka gobane ba be ba le ka bogoneng bja monna, ka morago ga ge ba amogetše Kriste.

228 Bjale re ka kgona bjang, dikgaetšedi, re ka kgona bjang ka go setšhaba se moo re tleleimago go dumela le go ba Bakriste, gomme ngwaga wo mongwe le wo mongwe ba hlobola bontši? Mola, motho yola ga se nke a ke a kwa Leina la Kriste, eupša go no Mo amogela ka pelong ya bona. Aowa, o be o ka se kgone go ba botša ba be ba ponoka, ba be ba sa e tsebe. Eupša ba ikhupeditše bonabeng ka mokgwa *wo*, go sepelela kgole. Letšatši la go latela, goba a mabedi, o be o tla ba hwetša ba apere diaparo, tša mohuta wo o rilego. Oo, nna!

229 Go na le se sengwe sa phošo felotsoko. Ke go menekanela godimo ga thutamodimo. Maatla a tsogo ya Jesu Kriste, go swana A dirile go motho yo a bidityšwego “Madira,” re mo hweditše a apere le ka go monagano wa maleba. Gomme ke thoma go dumela gore ke moya godimo ga batho woo o ba otlelelago ka go Boamerika le Bofora bjoo, le mehuta yohle ya bolesafe le bokereki. Eupša a nke gatee ba tle go Mong yola, gomme ba ikwele go kokota gola mo lebating, ba tla apara diaparo le go itshwara bjalo ka basadi le banna, gomme ba tla ba Bakriste ba go tswalwa gape. Amene. Ee.

230 Bjale ke feditše, metsotso ye masomepedi go fihla go lesomepedi, feela me—feela metsotso e se mekae, a nke ke taboge tše dingwe. Feela nakwana, Mangwalo a mangwe, ke tla rata go bula lebati le lengwe gape. A go tla loka? [Phuthego e re, “Amene.”—Mor.]

231 Lebati la go latela, go fale, ke tumelo. Le a bona, bophelo bja gago bja sephiri. . . lebati la boikgogomošo, bophelo bja gago bja sephiri, bjale a re buleng tumelo. Feela ntikodiko ya ona ka moka, le a bona, eupša a re yeng ka go tumelo.

232 Le a tseba, nako ye nngwe ya go feta ke be ke le bookelong gomme mosadi a eya ka tlase ga karo. O mpidityše, o rile, “Ngwanešu Branham, ke mokgelogi. A o ka nthapelela?”

233 Ke rile, “Ee, mam, nka thakgalela go dira.” Ke rile, “O mokgelogi?”

“Ya.”

234 Ke rile, “Bjale a re no leta feela motsotso. A nke ke go balele Mangwalo.”

235 Go be go na le mohumagadi mola mo malaong, o ntebeletše, ka go se kgahliše ka therešo; yena, le morwa wa gagwe a ka ba bogolo bja mengwaga ye masomepedi, Ricky wa mehleng, gomme a eme fale a ntebeletše ka mokgwa woo.

236 Gomme ke rile, “Ee, mam,” ke boletše. Ke mmaletše Mangwalo, “Le ge dibe tša gago di ka ba tše khubedu, di tla ba tše tšhweu wa leswele. Le ge di ka ba tše khubedu wa letsoku, di tla ba tše tšhweu wa wulu.” Gomme ge ke mmaletše lela, ke rile, “Ge o phamogetše kgole, o a bona, o ile kgole go tloga go Modimo, eupša Modimo ga se nke a ke a ya kgole go tloga go wena, goba o be o ka se mpitše.” O thomile go lla. Ke rile, “Re tla rapela.”

237 Mohumagadi yola ka malaong a go latela, o rile, “Ema motsotso! Ema motsotso fao!”

Ke rile, “Ee, mam?”

O rile, “Goga garetene yeo!”

Ke rile, “A ga se wena Mokriste?”

O rile, “Rena re Mamethodist!”

238 Ke rile, “Gabotse, seo se na le eng go dira le yona? Le a bona, seo ga se bontši go feta go bolela o be o le—o be o le moronkana, ge o be o le ka go hoko ya kolobe, o a bona.” Ke rile, “Seo ga se re selo.” Le a bona?

239 Eupša, le a bona, ke moo e tšwago, go loka ga maitirišo mola. “Yeo e kgahlanong le tumelo ya rena!” Ke rile. . . “Ga re nyake phodišo Kgethwa ka kerekeng ya rena, goba mohuta wola wa selo.” Le a bona, le bona se ke se rago? Le a bona, ba ka se dumelele ka gare ga lebati lela. “Seo se kgahlanong le tumelo ya rena.”

240 Go na le Tumelo e tee feela. “Tumelo e tee, Morena yo motee, kolobetšo e tee.” Tumelo yela!

Tumelo ya ka e lebelela go Wena,  
Wena Kwana ya Khalibari;  
Mophološi Mokgethwa;  
Bjale nkwe ge ke rapela,  
Tloša gosedumele ga ka gohle.

241 Sebe! Sebe, go na le sebe se setee feela, seo ke gosedumele. Motho yoo a nwago ga se modiradibe. Le a bona, seo—seo—seo, le a bona, ga se sebe. Ga se—ga se sebe go nwa. Ga se sebe go dira bootswa. Go aketša, go utswa, seo ga se sebe. Yeo ke tholana ya gosedumele. Ge o le modumedi, o ka se dire seo, le a bona.

242 Go tše pedi feela, o mosedumele goba modumedi, le a bona, e tee goba ye nngwe. Ga o dire dilo tše tšohle le ditaello tše sedumedi ka mokgwa woo, feela ka gobane o le mosedumele, ge o le modumedi, ke Lentšu o dumelago ka go lona, gobane Kriste ke Lentšu. Le a bona? Gomme kafao o no ba mosedumele ka gobane gore o dumela motlwae tsoko, goba dithutotaello tsoko tšeo di okeditšwego go Beibele, goba se sengwe, le dikereke tša maina go dira. Eupša modumedi wa kgonthe o dula thwi le Lentšu lela. Gomme Modimo o šoma thwi go kgabola Lentšu lela, thwi go kgabola go Le dira go phethega, ka go moloko woo re phelago ka go ona.

243 Gomme bjale hlokomelang, gomme o re, “Oo, nna. . . Ngwanešu Branham, Morena. . .” Gabotse, yeo e lokile, go bile le mašoboro a mantši a Bafilisita a ilego nako ye nngwe, le bona. Gomme sehlopha sa Baagepeta se lekile go latela Moshe go putla le—le Lewatle le Lehubedu, eupša mafelelong. . . “Bjalo ka Janne le Jamboro ba emelane le Moshe, gabotse, re hwetša selo sa go swana mo letšatšing la mafelelo,” Beibele e boletše.

244 Bjale feela bokgojana gannyane. Jesu o boletše fa, ka go lebaka le—le, “Ka gobane wena o bolela gore, ‘Ke humile, ke Oketšegile ka diphahlo.’” Nno lebelelang ka fao re lego lehono, kereke ya go huma kudu e kilego ya ba! Gomme, gabotse, le a tseba, lena Mapentecostal le tla ba bokaone kudu ge le ka be le le ntle fale ka thamporine, mo khoneng, go swana le botataweno le bommaweno ba bile. Eupša le na le dikereke tše di kaonana

go phala ka moka ga bona bjale, ya go kitima kudu ka lefaseng; eupša Moya wa Modimo o kae woo o bego e le magareng ga rena? Le tlogetše selo sa kgonthe. “Ka gobane o re, ‘Ke humile.’”

<sup>245</sup> Elelwang, ye ke Pentecostal e bolelago go, gobane lebaka la Pentecostal ke lebaka la mafelelo. Le a bona, tsošetšo ye ka moka re bilego le yona, ga go na mokgatlo wo mongwe o thomegilego. Go ka se be. Ye ke bofelo. Korong e gotše bjale. E tšile godimo ka mahlare, le lehlaka, le lenono, gomme e ntle go korong bjale. Le a bona, go ka se be gape. Ba thomile ye nnyane Pula ya Moragorago, eupša e nno wela thwi ka gare; e ka ba eng gape e tla dira. Ba tla. Ye ke korong e tšwelelago. Hlokomelang.

<sup>246</sup> “Gomme ka gobane o re, ‘Ke humile, gomme ke oketšegile ka phahlo, ga ke hloke selo,’ gomme ga o tsebe gore o a nyamiša, o madimabe, o foufetše, o hlobotše, gomme ga o e tsebe; Ke a go eletša. . .” Oo, nna! “Ke kokota lebating la gago.” [Ngwanešu Branham o kokota se sengwe—Mor.] “Laodikia, Ke kokota lebating la gago, le go go eletša go tla go Nna, le—le go reka gauta e lekilwego mo mollong; diaparo tše tšhweu, gore go hlobola ga gago go se bontšhwe.”

<sup>247</sup> Hlobola dilo tše, gomme o apare boka o swanetše, o a bona, toko ya Kriste, Mantšu. E sego toko ya ka; toko ya Gagwe!

<sup>248</sup> “Gomme gape Ke a go eletša go—go tla, hwetša setlotša mahlo se rilego, gore o ke o tlotše mahlo a gago, gore o ke o bone. Setlotša mahlo!”

<sup>249</sup> Ke Mokentuckian. Ke belegetšwe ka dithabeng, gomme re be re fela re eba le lefelo le lennyane la kgale godimo ka go lebatogodimo. Gomme rena digotlane re be re hlomeseditše godimo pa—pa pale ye nnyane ya lelere, yeo re ilego godimo bošego bjo bongwe le bjo bongwe. Gomme re robetše fase. Ba be ba swanetše go bea ntshetlana ya lešela ka godimo ga bogodimo bja rena ge go be go wele leswele. Gabotse, dinaledi, dišingele tša kgale tša klapbote. . .

<sup>250</sup> Ke ba bakae ba tsebago se šingele ya klapbote e lego? Gabotse, ngwanešu, gobaneng ke sa nka ka apara dioborolo tša ka godimo fa? Ke no ba gae thwi, le a bona. Gabotse, dišingele tša kgale tša klapbote!

<sup>251</sup> Ke ba bakae ba tsebago matrasi wa bjang? Bjale le tseba eng! Ke naganne ke ikwetše bodumedi gampe ka ga se sengwe. Gabotse, ke a thanka ke gae thwi bjale. Yeo ke ye botse. Gomme ga se nke ka tseba selo gape go fihla feela mengwaga e se mekae ya go feta.

<sup>252</sup> Ke ba ba kae ba tsebago se lelampi la kgale le lego, tšhemela ya kgale, a tsebago? Leo e bile ngwedi wa kgale wo mogolo, le leribiši ka thoko. Ba be ba fela ba e ba le seatla se sennyane kudu ka ntlong, o swanetše go hlwekiša molora wola wa kgale, le a tseba. Ke be ke fela ke swanela go tšea sehlwekišamogobe sa kgale, gomme se be se kgothogela godimo ga ka; kafao ke tšere

tšhemela yela ya lelampi le go e retolla godimo fale, go le boloka go tloga go kgothogeng. Ee, ka nnete.

<sup>253</sup> Bjale, tatemogolo wa ka o be a le morei. Mme wa mme wa ka o tšwa go dinagatšhireletšwa. O nyetše mosetsana wa Moindia go tšwa go nagatšhireletšwa ya Cherokee fale ka Kentucky le Tennessee, le a tseba kae, moeding wa Cherokee. Gomme, bona, o—o tsomile le go thea, dinako tšohle, yeo e bile—yeo e bile tsela a dirilego boiphedišo bja gagwe.

<sup>254</sup> Gomme rena digotlane re robetše godimo fale, gobaneng, dinako tše dingwe go bile go tonya kudu. Gomme moya wa go tonya wola o etla go kgabola fale, re be re tla hwetša go tonya ka mahlong a rena, gomme—gomme mahlo a rena a be a tanya go tswalelega mo bošegong, le a tseba. Mama o e biditye “bolaka.” Ga ke—ga ke tsebe se seo se lego, eupša go tonya go be go tla tsena ka mahlong a gago, gomme a tla hwetša go tonya. Gomme o be a tla re, “O na le bolaka ka mahlong a gago,” ka lebaka la—la, le a tseba, meoya wa go tonya e dikologa go kgabola fale, moya wo botšididi e etla go kgabaganya mo bošegong. Mahlo a rena a tla ruruga go tswalelwa.

<sup>255</sup> Gomme mama o tla fihla fale go lelere, mo mosong, ge a bile le dipiskiti di dirilwe. O tla ba le kgotlaomone ya mabele e dutše godimo ga tafola. Gomme o be a tla re, “Billy!”

Ke tla re, “Ee, mama?”

“Wena le Edward theogelang tlase.”

<sup>256</sup> “Mama, ga ke kgone go bona!” Ke biditye ngwanešu wa ka, re mmiditye, “Humpy.” Ke rile, “Ga a kgone go bona, le yena. O a bona, mahlo a rena a na le bolaka ka go ona.”

O be a tla re, “Go lokile, feela motsotso.”

<sup>257</sup> Gomme tatemogolo, ge a swere phaga. Ke ba ba kae ba tsebago se phaga e lego? Yeo ke, gomme o tla re. . . O be a tla swara phaga, o be a tla tloša makhura go tloga go yona le go a bea a gare ga kotikoti. Gomme kherisi yela ya phaga e be e le mafodišatšohle ka lapeng la gešu. Be be ba re fa yona bakeng sa go gohlola go gobe, le thapentine ka go yona, le oli ya malahle. Re be re a metša bakeng sa megolo ya go baba. Kagona o hwetša kherisi yela ya phaga e fiše, o be a tla tla le go pikitla mahlo a rena, gomme mahlo a rena a tla buduloga. Le a bona, e be e le kherisi ya phaga yeo e e dirilego. Le a bona?

<sup>258</sup> Bjale, ngwanešu, kgaetšedi, re sepetše go kgabola nako ya go tonya, ka go kereke. Yeo ke nnete, bontši bja moya wo botšididi ya bodumedi e tlile go kgabola, yo mongwe le yo mongwe o swerwe ke sehuba. Bontši bja batho ba ne mahlo a bona ohle a tswaletšwe, gomme go na le Khansele ya Lefase ya Dikereke ye kgolo e etla godimo, godimo fa, e ya go gapeletša yo mongwe le yo mongwe wa lena ka go yona. Ba ya kgole go tloga go Lentšu lela, dihlopha tša rena di a dira. Ke tlamegile go Molaetša; e se

go fapana, eupša ka lebaka la lerato. Lerato le a phošolla. Boang morago! Dulang kgole go tloga go selo sela! Lena banešu ba go direla, ga ke kgathale se dihlopha tša lena di dirago, dulang kgole go tloga go yona! Dulang ka ntle ga yona! Ke leswao la sebata, dulang kgole go tloga go yona! Le a bona, Jesu o a kokota ka go lebaka le la Laodikia. Le bona moo ba Mmeago ka ntle? O leka go hwetša batho ka batho, e sego—e sego mekgatlo le dihlopha tša batho. O leka go hwetša o tee *fa*, le o tee *fao*, le o tee *fale*, a leka. “Bohle bao ke ba ratago, Ke a ba kgala.”

<sup>259</sup> Bjalo ka ge ngwanešu yo monnyane a bile le pono fa, gomme o rile o bile le pono. Gomme o rile, “Seetša se sa go swana seo o se amogelago, se hlola lehu la gago, gape.” Le a bona?

<sup>260</sup> “Ba bantši bjalo ba Ke ba rata, Ke a ba kgala; hlomoga, le go bowa. Ke eme mo lebating, le go kokota.” Bjale, lebelela, kherisi ya phaga e ka se dire se botse bo itšego.

Eupša go na le Mothopo o tletše ka Madi,  
A gogilwego go tšwa ditšhikeng tša Imanuele,  
Moo badiradibe ba phonkgetšego ka tlase ga  
lefula,  
Ba lahlegelwa ke dipatso tša bona tšohle tša  
molato.

Lehodu lela la go hwa le hlaletše go bona  
Mothopo wola mo letšatšing la gagwe;  
Fao a nke ke, le ge go le bobo bjalo ka yena . . .

<sup>261</sup> O butše mahlo a ka, ka setlotša mahlo sa Gagwe. Moya wa Gagwe o theogetše tlase le go huthumatša Beibele, setlotša mahlo sa Gagwe. Ga se ke kgone go O bona. Ke be ke no ba wa selegae, modiša wa Baptist. Eupša letšatši le lengwe O rometše Moya wa Gagwe tlase, e sego kherisi ya phaga O ile a e fišiša, eupša O rometše Moya wo Mokgethwa le mollo! Setlotša mahlo se sennyane se bitilwe go kgabaganya Beibele ya ka—Dibeibele tša ka. . . gomme ke kgonne go bona ka mahlo a ka, ke ra go bitilwe go kgabaganya mahlo a ka gore ke kgone go bona Beibele ya ka. Gomme ke bone gore, “O be a swana maabane, lehono, le go ya go ile. A nke lentšu la motho mang le mang e be maaka, gomme la Ka le be therešo. Ke eme mo lebating, le go kokota.”

<sup>262</sup> Kanegelo ye nnyane ye nngwe gape. A le na le nako? [Phuthego e re, “Amene.”—Mor.] Ya, ya, morago ke tla sepela, le a bona.

<sup>263</sup> Go bile le mantshwanyane wa kgale tlase fale ka Borwa. Gomme, modiša wa gagwe, ke mo tsebile, moisa wa kgale yo mbose. Re mmiditše Gabe. Leina la gagwe ke Gabriel, gomme re mmiditše Gabe. Ka mehla o, modiša le nna, re—re ile go tsoma, bontši ka moka. O be a le ngwanešu wa kgale wa lekhalate, gomme re ile ntle go tsoma. Gomme Gabe wa kgale o ratile go tsoma bokaone go phala e ka ba mang nkilego ka mo tseba, eupša



o be a le mothunyi wa go šokiša. Kafao, letšatši le lengwe modiša wa gagwe le yena ba ile go tsoma.

264 Gomme ga se nke ra ke ra kgona go dira Gabe wa kgale go bapela le kereke. O be a no se e dire. O be a ka se tle kerekeng. O rile, “Aa, nna ga ke ye tlase fale moo baikaketše ba lego.”

265 Ke rile, “Eupša, Gabe, ge feela o dula ka ntle, ke ba bagolo go go feta. O utamile ka morago ga bona, o a bona.” Ke rile, “O utamile ka morago ga bona. O yo monnyane go feta ba le; ba ya tlase le go dira matsapa, o a bona.”

266 Gomme kafao o rile, “Ke—ke—ke—ke—ke nagana kudu ka wena, Mna. Bill. Eupša,” o rile, “ke—ke—ke—ke tseba Jones wa kgale o ya tlase fale, gomme ga se yena selo; o thunya craps, le tšohle tšela.”

267 Ke rile, “Yeo e lokile, Gabe. O a bona, yeo e lokile. Eupša, elelwa, Jones o swanetše go arabelela seo; ga se o swanele go dira, o a bona. Ge o no ya . . .” Ke rile, “O na le modiša.”

268 “Oo, Modiša Jones ke yo mongwe ba monna yo mokaonekaone a lego ka nageng!”

269 Ke rile, “A nke a be mohlala wa gago, ge o ka se kgone go lebelela gogle go feta seo. A nke a be mohlala wa gago.”

270 Kafao letšatši le lengwe Ngwanešu Jones o rile, o tšere Gabe wa kgale go tsoma, gomme o rile, “Re bile le mebutla le dinonyana tše dintši, letšatši leo, go feta go bile boima go rwala.” Gomme o rile, “Etle ka gare mo mantšiboeng.” O rile, “Gabe wa kgale o be a etla ka morago, gomme a rwalagantše gohle, o a tseba, ka mokgwa wola.” Gomme mosadi wa gagwe o be a le wa kgonthe, Mokriste wa go botega. O bile le lefelo fale thwi, mosadi wa go tlala ka Moya wo Mokgethwa, gomme ka mehla o bile le lefelo la gagwe la mošomo. Kafao o be . . . Gabe wa kgale o be a etla ka morago, o a tseba. Gomme Modiša Jones o rile o lebeletše tikologong, o kgonne go bona, “Gabe wa kgale o ile pele a lebeletše godimo ka magetla a gagwe, ka mokgwa wola. Letšatši le dikela,” o rile, “le ba tlase ka kgonthe, le a tonya.” O rile, “Ka morago ga nakwana,” o rile o be a sepela mmogo, o rile, “Gabe wa kgale o tla godimo. O bile le molomo wa šotekane ya gagwe e lekeletše go tlala ka mebutla le dinonyana, le dilo.” O rile, “O kgwathile modiša mo legetleng, gomme o rile, ‘Modiša?’”

O rile, o retologile go dikologa, o rile, “Ya, Gabe, bothata ke eng?”

271 Kafao o lebeletše, gomme dikededi tše koto tše kgolo di leketla go tloga marameng a gagwe a maso, moo ditedu tša gagwe di bego di e ba pududu. O re, “Modiša, ke be ke sepela go bapa le khwiti ye fa, lebaka la e ka ba seripa sa iri.” O rile, “Ke be ke šeditše letšatši lela le eya tlase.” O rile, “O a tseba, maledu a a mapududu a ka, le moriri wa ka o eba pududu,” o rile, “o a tseba, letšatši la ka le a sobela le lona, modiša.”

272 O rile, “Yeo ke nnete, Gabe.” Gomme o nno ema le go retologa go dikologa, o rile, “Bothata ke eng ka wena?”

273 O rile, “Letšatši la ka le a dikela, le lona.” O rile, “O a tseba ke eng?” O rile, “Ke bile go nagana,” o rile, “ge ke be ke sepela go bapa morago fale.” O rile, “O a tseba,” o rile, “Morena o swanetše a nthata.”

O rile, “Kgonthe, O a dira, Gabe.”

274 O rile, “O a tseba, ke nna mothunyi wa go šokiša.” O rile, “Ga ke kgone go thunya selo, eupša,” o rile, “ka kgonthe re—re hlokile nama kua gae.” Gomme o rile, “Nno lebelela go sehlopha se sekaone se segolo sa phoofolo seo A mphilego, dinonyana tše le mebutla ye.” O rile, “Ke bile le go lekanela go re boloka beke ye e tlogo yohle.” O rile, “O swanetše go be a nthatile, gobane ke nka se kgone go e betha, o a tseba.” O rile, “Ke be nka se kgone go e betha eupša nno lebelela se A mphago.” Morago o rile, “O swanetše a nthata, goba O be a ka se mphe se.”

O rile, “Yeo ke nnete.”

275 Gomme o rile, “Gabotse, ke bile le go kokota go gonnyane ga go tlabo mo lebating la ka, tlase fale. O mpoditše go retologa go dikologa, o rile, ‘Gabe, letšatši la gago le a dikela, le lona.’” O rile, “Modiša, o a tseba se ke se dirilego, modiša?” O rile, “Ke Mo diretše tshepišo.”

276 O rile, “Gabe, ke nyaka go go botšiša se sengwe.” O rile, “Ke thero efe ke e rerilego yeo e go dirilego go ikwela ka tsela yeo?” O rile, modiša, goba o rile, “Bjale ema motsotso,” o rile, “ke khwaere efe—efe—efe e opetšego?”

277 O rile, “Oo, ka kgonthe ke rata moopelo wola tlase kua kerekeng, modiša.” O rile, “Ke rata molaetša wo mongwe le wo mongwe o o rerago, gobane o tšwa thwi go tšwa go Puku ye botse yeo, gomme ke a tseba e lokile. Eupša,” o rile, “ga se ebe seo.” O rile, “O nno kokota, gomme ke lebeletše go dikologa fa, le go bona ka fao A bilego go loka go nna, se A mphilego.” O rile, “Lamorena mosong, ke ya go sepelela thwi godimo ka pele fale moo o emego.” O rile, “Ke ya go go neela seatla sa ka sa se tona,” o rile, “gobane šetše ke neetše pelo ya ka go Morena, thwi tlase go rarela thaba fale.” O rile, “Ke ya go kolobetšwa, le go tšea lefelo la ka la maleba hleng le mosadi wa ka. Gomme ke ya go dula fale go fihlela Morena a mpiletša godingwana.” Le a bona, o nno direga go lebelela go dikologa le go bona ka fao Modimo a bilego go loka go yena.

278 Ke nna moromiwa. Ge le ka kgona go lebelela ka mahlo ao ke lebeletšego ka ona bjale, le go bona lefelo la India, bona batho ba bannyane ba go swarwa ke tlala, bomme ba borwa mo mokgotheng, digotlane tša bona ebile ga di kgone go lla gape, go tšwa go tlala, gomme nno naganang ka se re bilego le sona fa lehono. Lebelelang go dikoloi le tlogo ka gare. Lebelelang go

diaparo le di aperego. Lebelelang ka fao le humilego. Mogwera, ga o kgone go kwa go kokota gola go gonnyane fale felotsoko?

A re rapeleng.

279 Ka dihlogo tša rena di obamile, le dipelo tša rena, bjalo ka ge metsotso bjale e sobelela, ya e ka ba metsotso ye šupago go fihlela mosegaregare. Ngwanešu wa ka, kgaetšedi, saense e re botša ke bonnyane go feta metsotso ye meraro go fihlela bošegogare. Bjale ge le ka no kgona go no lebelela go dikologa, gomme wa no nagana lebaka la motsotso. Bana ba lena ba bannyane ba dutše fao hleng le lena. Ke ba bakae ba bannyane ba dihwahwa . . .

280 Lebelela go mosadi wa gago yo mbose, ngwanešu, gomme o nagane ka fao monna ba bantši bao ba nago dimilione tša ditolara, gomme a rata mosadi ka pelo ya gagwe yohle, mosadi ke tumpu. A ka neela milione wa gagwe wa go tonya go ba le mosadi yola go mo rata ka tsela ye mosadi wa gago a go ratago. Gomme wena, mosadi, ke basadi ba ba kae . . .

281 Ke bomme ba bakae fa mosong wo le bana ba bona ba bannyane, ke botate ba ba kae; gobaneng, nna, go na le monna ba bantši ba lebeletše legopo, wa kgale yo monnyane wa go kobega, selo se sennyane sa go šokiša, a golofetše, gomme lebelela ke bana ba kaone bjang le nago le bona. Le a bona? Gomme ba bantši ba kgale ba bannyane, mohlomongwe . . .

282 O Modimo! Go na le dilo tše dintši, ge o ka no lebelela. O bile go loka kudu go rena Maamerika. Bjale a ga le kgone go no ikwa gore le ka rata go ba le setlotši se sennyane, mosong wo, “Bula mahlo a ka feela kgojana gannyane, Morena, bula mahlo a ka”? Bjalo ka ge kgaetšedi wa rena a opetše ga bose bjalo, “Mahlo a Gagwe a go phorogohlo, feela phorogohlo ye nnyane, gomme ke a tseba O ntšeditše.”

283 Bjale O šeditše thwi go wena bjale. A o kgona go no kwa, tlase felotsoko, go kokota go gonnyane ka moggwa *wo*, [Ngwanešu Branham o kokota se sengwe—Mor.], “Ke etile, mosong wo”? Ke tlhompho ye kgolokgolo yeo e ka tsogego ya dirwa, ge o ka kgona go kwa go kokota gola mo pelong ya gago.

284 A o ka phagamiša seatla sa gago, wa re, “Ka se, Morena, ka thušo ya Gago le mogau wa Gago, go tloga lehono go ya pele, ke tla phela kgauswi le Wena ka fao ke tsebago go dira bjang. Seo ke sohle ke tsebago ka fao nka Go kgopelago”? Modimo a go šegofatše. Modimo a go šegofatše. “Ka thušo le mogau wa Gago, lehono, go tloga lehono go ya pele, nka se tsoge ka lebala se.”

“Bonang, Ke eme lebating, le go kokota. Ge motho e ka ba ofe . . .”

285 Bjale, elelwang, O be a kokota kae, go ntlopolokelo? Aowa. Ka pareng? Aowa. O kokota kae? Ka kerekeng!

286 “Ge motho e ka ba ofe a ka kwa Lentšu la Ka, gomme a Mpulela, Ke tla tsena gomme ka lalela le yena, gomme yena le Nna.”

287 Morategi Modimo, le lennyane la go robega, la go hlakahlakana, mantšu a se makae ao a boletšwego mosong wo, ka mokgwa tsoko a nke Moya wo Mokgethwa o a hlatholle go dipelo tša batho.

288 Bjale go bile ba bantši, Morena, mohlomongwe go tšwa go ba lekgole fa go bile le masomepedi goba masometharo a batho ba phagamišitše diatla tša bona. Ga ke na tsela ya go tseba feela se ba se hlokilego, Morena. Eupša ke a tseba gore mosegaregare o no ba metsotse e se mekae go tloga, gomme le go Tla ga Morena go bjalo; efela, pele ga ge lehlwa le le tologa go tloga mobung, re ka no bitšwa, gomme ye e ka no ba nakwana yeo e tla fetolago bokamoso ka moka bja ge eba ba tlogelwa fa goba go ya godimo.

289 Morategi Modimo, ka go kokobela re amogela Jesu, re amogela Mantšu a Gagwe ohle. Re tlatše, Morena, re tlatše ka Moya wo Mokgethwa wa Gago, gore bophelo bja rena ka go itirela bo tla tšweletša kenywa. E fe, Morena.

290 Re swarele go mabošaedi a rena a mantši. Oo, re tletše bjang ka ona, Morena. Gomme ga re na selo seo re ka neelago, Morena, gobane, se sengwe le se sengwe seo re nago, O re file sona. Bjalo ka Gabe a boletše, ka go kanego ye nnyane re sa tšo go e anega, “Wena, Wena ka kgonthe o a re rata, Morena, goba O be o ka se dire se.” Gomme, go nagana, batho ba ba dutše fa ge e sa le pele mosong wo, ba dutše fa ge e sa le iri ya seswai, ke diiri tše nne tšeo ba dutšego fa. Ba a Go rata, Morena. Ba a Go rata. Bjale, Tate, a O ka romela setlotši sa Moya wo Mokgethwa, bula mahlo a rena. A nke re . . .

291 Ba bao ba lego fa ka go toropokgolo, a nke ba hlaganele go tšošetšo yela bošegong bjo, a nke go be le tšhologo ye bjalo! E fe, Morena. A nke tšošetšo ya fešene ya kgale e thome ka go toropokgolo. E fe. Šegofatša monna yo mongwe le yo mongwe yoo a beago pele, yo mongwe le yo mongwe wa bahlanka ba Gago go kgabaganya lefase, yoo a beago pele matsapa. Eba le bona, Morena, gomme o ba thuše.

292 Bula mahlo a rena gore re ke re bone, gantši le gantši, go swana le Kriste. E fe, Morena. Re swarele go dibe tša rena.

293 Gomme bjale ba bao ba phagamišitšego diatla tša bona, Tate, ke ba neela go Wena. Ba amogele. Bjale ke tsopola Lentšu la Gago Mong, Morena, le, “Magodimo le lefase di tla šitwa, eupša,” O rile, “yena,” e lego lešalaina, “yena yoo a kwago Mantšu a Ka. . .” Morena, a ka no ba a robagane le bonolo, eupša yo mongwe o a kwele. Peu e wele. “Yena yo a kwago Mantšu a Ka gomme,” lekopanyi, “a dumetšego go Yena yoo a Nthomilego,” ka gobane O dirile se, “o na le (lebaka la bjale) Bophelo bjo bo sa felego, gomme ka moso a ka se tle kahlolong, eupša o fetile go

tloga lehung go ya Bophelong.” Ba phagamišitše diatla tša bona, Morena. Ba robile (wo mongwe le wo mongwe) molao wa saense; kkgelofase e swere diatla tša rena fase. Eupša ba netefaditše gore go na le moya ka go bona, woo o kgonago go theetša go kokota mo lebating, le go obeletša ntle ka seatla sa bona se setona go leba Legodimong. Bjale bula lebatl. Bula, Morena, gomme o tsene ka gare. Re ba Gago. Re amogele, ka Leina la Jesu Kriste. Amene.

Ke a Mo rata, ke a Mo rata  
Gobane O nthatile pele  
Le go reka phološo ya ka  
Mo mohlareng wa Khalibari

<sup>294</sup> Le a Mo rata? Ke a makala ge re ka kgona go no tswalela mahlo a ka, feela nakwana. Bjale go tšwa dipelong tša rena, ka diatla tša rena godimo.

Ke a Mo rata, ke a Mo rata  
Gobane . . .

<sup>295</sup> Re amogela go kokota ga Gago, mosong wo, Morena. Diatla tša ka di godimo. Diatla tša rena bohle di godimo, Morena.

Gomme . . .

Bjale tsena ka gare, Morena Jesu. Tsena ka gare ga dipelo tša rena gomme o lalele le rena, gomme re tla lalela le Wena.

Mohlare wa Khalibari!

<sup>296</sup> A le a Mo rata? Oo, ke a nagana O makatša kudu! A ga le? [Phuthego e re, “Amene.”—Mor.] A ga le kwe Bogona bja Gagwe feela mokgwa wa go le tlabola? Ke ikwela kgonthe bodumedi gonabjale, go no—go no ikwela gabotse kgonthe, se sengwe ka ga yona.

Tumelo ya ka e lebelela godimo go Wena,  
Wena Kwana ya Khalibari,  
Mophološi Mokgethwa;  
Bjale nkwe ge ke rapela,  
Tloša sebe sohle sa ka,  
Oo ntumelele go tloga letšatši le  
Go ba wa Gago go felela!

<sup>297</sup> Bjale ke le nyaka, ge re hama temana ye ya go latela ya kopelo yela e botse, kopelo ya kgale ya kereke, ke le nyaka le šikinye diatla le yo mongwe. Nno dula go madulo a gago, nno re, “Modimo a go šegofatše, ngwanešu. Modimo a go šegofatše, kgaetšedi. Ke thakgetše bjang go ba le wena fa!” A re direng yeo. [Ngwanešu Branham le phuthego ba hama, *Tumelo Ya Ka E Lebelela Godimo Go Wena*, le go šikinya diatla le bona seng—Mor.] Modimo a go šegofatše Carl, thakgetše go ba fa . . . ? . . .

<sup>298</sup> Nno nagana, diatla tša Momethodist di swere sa Mopentecostal, sa Mobaptist se swere sa Mopresbyterian.

Oo ntumelele. . . go tloga letšatši le  
Go ba wa Gago go felelela!

<sup>299</sup> Bjale ge re opela ka go nokologa bjale, gape, go tšwa botlase bja pelo ya gago. Le a tseba, ka morago ga wa go tlabola, Molaetša wa go kgadimola, ke a nagana ke maswanedi go tsena ka Moyeng le go opela, bobose bja Moya wo Mokgethwa.


<sup>300</sup> “Oo go bose bjang go lego go baena go dula mmogo ka go kwana!” Beibele e rile, “Go swana le oli ya go tlotša yeo e bego e le ditedung tša Arone, yeo e theogetšego tlase go morumo wa sekhethe sa gagwe.” Le batho ba go makatša godimo fa. Ke holofela go boa morago go le bona gape pele Jesu a mpitša, goba Milineamo. Ge ke sa, ke tla le bona go tshela noka godimo mošola. Ke tla kopana le lena mo nokeng. Amene. Ke peelano.

Ge ke gata tsela ya bophelo ya leswiswi,  
Gomme manyami go ntukologa a alega,  
Wena eba Mohlahli wa ka;  
Laela leswiswi go fetoga seetša, (Seetša sela se  
sennyane ba bolelago ka sona)  
Phumula go tloša mahloko a dipoifo,  
Oo ntumelele go tloga letšatši le  
Go ba wa Gago go felelela!

<sup>301</sup> Lebati le lengwe le le lengwe bulega! Oo, nno kgwatha konopi ye nnyane, gomme ba šetše bohle ba eya thwi go dikologa ntikodikiko; ba re, “Tsena ka gare, Morena Jesu, eba Morena wa ka, tšohle tša ka.”

Oo ntumelele go tloga letšatši le, go se Go lese  
o eme mo lebating,  
Go ba wa Gago go felelela!

<sup>302</sup> Lena ba le phagamišitšego diatla tša lena gomme le nyaka go hlahlwa pejana go leba Morena, ke a le kgopela go ya tlase go tsošetšo bošegong bjo. Gomme ke ne kgonthe modiša fale o tla le tšea go tloga fa go ya ntlong ya baeng. O na le dipene tše tshela, goba e ka ba eng e filwego, go hlokomela, le beine le oli go tšhela ka gare. A ka kgona go fetša mošomo.

<sup>303</sup> Modimo a le šegofatše bjale. Ke tla retollela tirelo morago go, ke a thanka, Ngwanešu Williams, goba mang a ka bago. . . 

*MABATI KA LEBATING* NST65-0206  
(Doors In Door)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mosong, Feberware 6, 1965, go difihlolo tša Kopanelo ya Boditšhabatšhaba ya Banna ba Kgwebo ba Ebangedi Ya Go tlala ka Americana Hotel ka Flagstaff, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)